

積薪於時公淡如位屈道則伸法宮親決事收
召極海濱人才方雜沓公仕益逡巡欲以貴祝
公公豈慕要津欲以窮託公公豈私賤貧頗欲
述古誼勸公勿愛身此又公所存豈待賤子陳
高颿泊江渚歲晚風雨頻願言添衣裘寒陰能
薄人

朱子雲園中觀花

我鬢忽已白君顏非復朱花前一盃酒不樂復
何如算看枝上花已覺不如早富貴當及時吾
輩奈何老我歌君起舞竟日爲君畱安知花無
情不解替人愁長安二三月花滿上林中祝君
早得意歸轡聽瓏瓏

酬妙湛閣梨見贈妙湛能基其師璘公益

嘗與先君遊云

昔侍先君故里時僧中最喜老璘師高標無復
鄉人識妙寄惟應弟子知山店煎茶畱小語寺

橋看雨待幽期可人不但詩超絕玉子紋枰又

一奇

此下接魯山新居絕句

次韻魯山新居絕句

求得軒車心愧天不如窮死却陶然君曾布衣
尙可活那有日興須萬錢

又

短牆缺處插疎籬巷劣容車堂對陂天下有公
殊可賀坐中著我不妨奇

寄陳魯山

陳時調
官都下

諸公貴人識面稀胸中璀璨漫珠璣卽今舉手

遮西日應有流塵化素衣舊學極知難少貶吾
儕持此欲安歸夜來風雨空堂靜忽憶燈前語
入微

又

天下無虞國論深書生端合老山林平生力學
所得處政要如今不動心舊友幾年猶短褐謫
官萬里少來音願公息此寬羈旅靜勝炎曦豈
易侵

戲題江心寺僧房壁

史君千騎駐霜天主簿孤舟冷不眠也與史君
同快意臥聽鼓角大江邊

是夕新永嘉
守亦宿此寺

泛瑞安江風濤貼然

俯仰兩青空舟行明鏡中蓬萊定不遠正要一
颿風

平陽驛舍梅花

江路輕陰未成雨梅花欲過半沾泥遠來不負

東皇意一絕清詩手自題

度浮橋至南臺

客中多病廢登臨聞說南臺試一尋
九軌徐行怒濤上千艘橫繫大江心
寺樓鐘鼓催昏曉墟落雲煙自古今
白髮未除豪氣在醉吹橫笛坐榕陰

出縣

凶凶薄領不堪論出宿聊寬久客魂
稻隴牛行泥活活埜塘橋壞雨昏昏
槿籬護藥纔通徑竹筧分泉自遍村
歸計未成畱亦好愁腸不用遶

吳門

還縣

霽色清和日已長綸巾蕭散意差強
飛飛鷗鷺陂塘綠鬱鬱桑麻風露香
南陌東村初過社輕裝小隊似還鄉
哦詩忘却登車去枉是人言作吏忙

雨晴遊洞宮山天慶觀坐間復雨

近水松篁鎖翠微
洞天宮殿對清暉
快晴似爲醪醑計
急雨還妨燕子飛
道士晝閑丹竈冷
山童曉出藥苗肥
拂床不用勤畱客
我困文書自怕歸

寄陳魯山正字

平生交遊中
陳子我所敬
初猶似豪舉
晚乃抱淵靜
獨觀心地初
皎若虛室鏡
人知自渠事
道行君有命
青衫二十年
老色上鬚髮
偶然預收召
瘦馬趁朝請
退食輒杜門
不省求捷徑
似聞石渠書
雌黃久未定
丁字猶恨曲
芻字竟須正
願君試息之
魚魯何足訂

航海

我不如列子
神遊御天風
尙應似安石
悠然雲海中
臥看十幅蒲
彎彎若張弓
潮來湧銀山
忽復磨青銅
飢鷗掠船舷
大魚舞虛空
流落何足

道豪氣蕩肺胸歌罷海動色詩成天改容行矣
跨鵬背弭節蓬萊宮

海中醉題時雷雨初霽天水相接也

羈遊那復恨奇觀有南溟浪蹴半空白天浮無
盡青吐吞交日月瀕洞戰雷霆醉後吹橫笛魚
龍亦出聽

溪行

蓬蕩鳴春雨帆蒲掛算煙買魚尋近市覓火就
隣船愁臥醒還醉灘行却復前長年殊可念力
盡逆風牽

又

冒雨牽何急爭風力不餘逢人問虛市計日買
薪蔬煙寺高幡出山畬一老鋤枕書醒醉裏短
髮不曾梳

自來福州詩酒殆廢北歸始稍稍復飲至
永嘉括蒼無日不醉詩亦屢作此事不可

不記也

尊酒如江綠春愁抵草長但令閑一日便擬醉
千場柳弱風禁絮花殘雨漬香客遊還役役心
賞竟茫茫

東陽道中

風歛烏帽送輕寒雨點春衫作碎斑小吏知人
當著句先安筆硯對溪山

東陽觀醮醮

福州正月把離杯已見醮醮壓架開吳地春寒
花漸晚北歸一路摘香來

送李德遠寺丞奉祠歸臨川

送騎擁東城煙帆如鳥輕道行端有命身隱更
須名盱食煩朶主胡沙暗舊京臨分一襟淚不
獨爲交情

送王嘉叟編修出佐南昌

玉殿求衣早鸞臺退食遲君看多故日寧是棄

言時小作南州計方觀急詔追歸來上霄漢莫
遣此心移

送王龜齡著作赴會稽大宗丞

有越踰千載何人不宦遊向來惟一范真足壯
吾州高躅今誰繼先生獨再畱登堂吊興廢想
像氣橫秋

又

大將上兵符軍容備掃除恭惟陛下聖方采直
臣書忽報分司去還尋入幕初宗藩雖舊識莫
遣得親疎

送杜起莘殿院出守遂寧

羽檄聯翩晝夜馳臣憂顧不在邊陲軍容地密
寧當議陛下恩深不忍欺白簡萬言幾慟哭青
編一傳可前知平生所學今無負未歎還鄉兩
鬢絲

和曾待制遊兩山

翰林碑立崔嵬上待制詩題杳靄間人天八萬
四千畲僂合推爲第一山

右題育王山明月堂

疎鐘迎客到溪亭碧瓦朱欄相照朙想得松陰
排萬衲籃輿放處恰詩成

右題天童山宿鷺亭

攀石捫蘿到夏幽玲瓏咫尺嬾窮搜旁人不會
當時意爲欠門生作伴遊

右題天童山夏幽亭且以未到玲瓏爲

恨

雨中出遊夜歸

小雨南山路今朝思出遊難從子規請寧遺竹
雞憂野店寒饒柿煙津晚喚舟歸來對燈火未
恨溼衣裘

謝李平叔郎中問疾

吏部朝回早幽人病始蘇過門迂問訊欵枕聽

傳呼緣瘦重裁帽因衰學染鬚投詩發公笑試
想此形模

聞武均州報已復西京

白髮將軍亦壯哉西京昨夜捷書來胡兒敢作
千年計天意寧知一日回列聖仁恩淡雨露中
興赦令疾風雷懸知寒食朝陵使驛路梨花處
處開

喜小兒輩到行在

阿綱學書蚓滿幅阿繪學語鸞囀木截竹作馬
走不休小車駕羊聲陸續書窗浣壁誰忍嗔唬
嘯也復可憐人却息胡馬飲江水敢道春風無
戰塵傳聞賊棄兩京走列城爭爲朝廷守從今
父子見太平花前飲水勿飲酒

病起寄曾原伯兄弟

意象殊非昨筋骸劣自持衰如霜後木愁抵盎
中絲風雪書來少江山夢到遲出門還惘惘倚

杖獨移時

送湯岐公鎮會稽

吳越東西州浙江限其中黃旗高十丈大舟凌
虛空都人送畱守郡吏迎相公江心波濤壯悵
下鼓角雄樂哉公何憾廷論則未同永懷前年
秋羣胡方嘯兇閭左發薊北戈船滿山東舊盟
顧未解誰敢嬰其鋒公時立殿上摺置極雍容
南荒竄驕將京口起元戎舊勲與宿貴屏氣聽

指蹤規模一朝定強虜終歸窮當時謂易耳未
見回天功及今始大服咨嗟到兒童天心佑社
稷主聖肖祖宗旌節早來朝笑談折遐衝

周洪道學士許折贈館中海棠以詩督之
嫋嫋柔絲不自持夏禁日炙與風吹仙家見慣
渾閑事乞與人間看一枝

送七兄赴楊州帥幕

初報邊烽照石頭旋聞胡馬集瓜州諸公誰聽

芻蕘策吾輩空懷畎畝憂急雪打窗心共碎危
樓望遠涕俱流豈知今日淮南路亂絮飛花送
客舟

閏二月二十日遊西湖

西湖二月遊人稠鮮車快馬巷無畱梨園樂工
教坊優絲竹悲激雜清謳追逐下上莫始休外
雖狂醒樂則不豈如吾輩淡相求酒肴取具非
預謀青梅苦筍助獻酬意象簡樸足鎮浮尚慙
一官自拘囚未免足馬從兩騶南山老翁亦出
遊百錢自挂竹杖頭

劉太尉挽歌辭

羗胡忘覆育師旅備非常南服夏旄節中軍鑄
印章馳書諭燕趙開府冠侯王赫赫今何在門
庭冷似霜

又

堅壁臨江日人疑制敵疎安知百萬虜銳盡浹

旬餘智出常情表功如定計初云何媚公者不
置篋中書

過林黃中食柑子有感學宛陵先生體

博士得黃柑甚愛不忍擘持獻太夫人遠附海
上舶故山饒氛霧可使酒盃窄豈無荔枝好饜
飫恐不摘相去三千里無異娛旁側乃知母子
意更遠未嘗隔我昨待見君從容弄書冊藥分
臘劑香茶泛春芽白主意顧未厭筐筥自搜索

敢謂甘旨餘亦及此下各霜包纔三四氣可壓
千百重是慈孝物不敢吐其核甘寒雖遶齒悲
感已橫臆半生無歡娛初不爲湮阨

玉牒所迎駕望見周洪道舍人

自卜河橋宅清談喜屢陪今年見騰蹕不恨老
氛埃曉放宮門鑰霜彫輦路槐班回獨小立爲
待繡鞍來

送梁諫議

湖海還朝白髮生，嬾隨年少事聲名。極知憂國人誰及，細看無心語自平。歸訪鄉人忘位重，乍辭言責覺身輕。籃輿避暑雲門寺，應過幽居聽

水聲

游有菴居在雲門流泉遠屋諫議舊所愛賞

以石芥送劉韶美禮部劉比釀酒勁甚因

以爲戲

古人重改陽城驛，吾輩欣聞石芥名。風味可人終骨體，尊前真見魯諸生。

又

長安官酒甜如蜜，風月雖佳嬾舉觴。持送盤蔬還會否，與公新釀鬪端方。

出都

重入修門甫歲餘，又攜琴劍返江湖。乾坤浩浩何由報，犬馬區區正自愚。緣熟且爲蓮社客，伴來喜對艸堂圖。西廂屋了吾真足，高枕看雲一事無。

曾原伯屢勸居城中而僕方欲自梅山入
雪門今日病酒偶得長句奉寄

僭得僧房似釣舩兼旬散髮醉江天酒能作病
真如此窮乃工詩却未然閑似白鷗雖自許健
如黃犢已無緣秋高更欲移家去先葺雲門屋
數椽

村居

富貴功名不擬論且浮舩艤寄煙村生憎快馬

隨鞭影寧作癡人記劒痕樵牧相語欲爭席比
鄰漸熟約論婚晨春夜績吾家舊正要遺風付
子孫

看山

小葺茆茨紫翠間今年偷得半年閑門前木落
須霜曉且看西南一角山

夏夜泛舟書所見

山房猶復畏炎蒸長掩柴門媿老僧兩槳去搖

東浦月一龕回望上方燈驚飛宿鳥時呼侶騰
起長魚有脫罾夜半歸來步松影真成赤腳踏
層冰

秋陰

陂澤秋容淡郊原曉氣清雨來鳩有語社近燕
無情拄杖扶腰痛漁舟照眼明苦吟緣病輟隨
意或詩成

盆池

門外江濤湧雪堆埋盆作沼亦何哉兒曹不解
渠翁意新脫風波嶮處來

比從人覓酒皆酸薄戲作此詩

酒盡聊憑折簡求不知人耍博涼州牆隅棄置
空三歎露下螢飛奈此秋

買魚

臥沙細肋何由得出水纖鱗却易求一夏與僧
同粥飯朝來破戒醉新秋

又

兩京春齋論斤賣江上鱸魚不直錢斫膾擣齋
香滿屋雨窗喚起醉中眠

秋雨

漫道秋來雨那無一日晴只僕高枕臥不放小
窗明書冊頻開闔山瓢任濁清長年諳世味不
是故逃名

晨起偶題

城遠不聞長短更上方鐘鼓自分明幽居不負
秋來睡末路偏諳世上情大事豈堪重破壞窮
人難與共功名風爐歛鉢生涯在且試新寒芋
糝羹

悲秋

煙艸淒迷八月秋荒村絡緯戒衣裘道人大欠
修行力平地閑生爾許愁

寄張真父舍人

諸公方袞袞無地著斯人萬里夔州守中朝禁
省臣孤帆秋上峽五馬曉班春想見懷剛主登
臨白髮新

又

天上紫微省鶯花繞直廬逢時身鼎貴憂國鬢
先疎顛顛元當棄牽聯也得書猶能下榻否擬
卜灤西居

幽居

翳翳桑麻巷幽幽水竹居
紉縫一獠婢樵汲兩蠻奴
雨挾清砧急籬懸野蔓
枯鄰村有鬻子吾敢歎空無

法寶璉師求竹軒詩

南軒竹色映谿光不減吾州五月涼
猶恨秋來鷗鷺少須君更爲築橫塘

欲遊五峯不果往小詩寄瑩老

東來恨不見湯休千首清詩儻許求
要與茶山

燈下讀莫令侍者作蠅頭

茶山老人
謂曾待制

謝王彥光提刑見訪并送茶

邇英帷幄舊儒臣肯顧荒山野水濱不怕客嘲
輕薄尹要令我識老成人颿回鼓轉東城莫酒
冽橙香一笑新遙想解醒須底物隆興第一齋
源春

送查元章赴夔漕

柳色西門路看公上馬時亦知非久別不奈自

成悲白髮劉賓客青衫杜拾遺分畱端有待刻
賦竹枝詞

逍遙

臺省諸公日造朝放慵別駕媿逍遙州如斗大
真無事日抵年長未易消午坐焚香常寂寂晨
興署字亦寥寥時平更喜戈舩靜閑看城邊帶
雨潮

病中簡仲彌性唐克明蘇訓直

移疾還家暫曲肱依然耐久北窗燈心如澤國
春歸雁身是雲堂早過僧細雨佩壺尋廢寺夕
陽下馬吊荒陵小畱莫厭時追逐勝社年來冷
欲冰

三君皆有
歸志故云

送王景文

張公遂如此海內英悲辛逆虜猶遺種皇天奪
老臣深知萬言策不愧九原人

君近嘗
奏策

風雨津

亭算辭君淚滿巾

送呂彥升參謀

楚塞蕭條久宿師參謀承詔上丹墀苦言到口
真當發聖度如天莫自疑萬里寄聲長不達一
尊相屬豈前期遙憐霜曉朝衣冷深愧江城睡
足時

无咎郡丞燕集有詩末章見及敬次元韵
城樓画角吹晚晴梅花墮地艸欲生綺盤翠杓
春滿眼我胡不樂君將行君歸吾黨共增氣往

往怪我衰涕橫我來江干交舊少見君不啻河
之清北風莫愛地爐暖西日同賞油窗明微吟
劇醉不知倦坐閱漢牘逾周正君文雄麗擅一
世凜凜武庫藏五兵酸寒如我每自笑顧辱刻
畫爲虛聲乃知好士如好色遇合不必皆傾城
君方與世作水鏡如此過許人將驚千金敝帚
有定價周玉鄭鼠難強名失言議罰不可緩敬
白府主浮金觥君看失脚踏塵土豈復毫髮餘

詩情自傷但似路旁堠雨剝風摧供送迎

次韻无咎別後見寄

平日盃行不解辭長亭況是送君時幾行零落
僧窗字何限流傳樂府詩歸息恰如重醞酒歡
情畧似欲殘碁龍蛇飛動無由見坐媿文園屬

思遲

詩來彌月乃
能和禽故云

晚泊慈姥磯下二首

山斷峭崖立江空翠靄生漫多來往客不盡古

今情月碎知流急風高覺笛清兒曹笑老子不
睡待潮平

慈姥磯頭月纖纖照酒盃素秋風露重久客鬢
毛催宿鳥驚還定飛螢闔復開平生四方志老
去轉悠哉

七月十四夜觀月

不復微雲滓太清浩然風露欲三更開簾一寄
平生快萬頃空江著月明

夜宿陽山磯將曉大雨北風甚勁俄頃行
三百餘里遂抵雁翅浦

五更顛風吹急雨倒海翻江洗殘暑白浪如山
潑入船家人驚怖篙師舞此行十日苦滯畱我
亦蘆葦厭鳴榔書生快意輕性命十丈蒲帆百
夫舉星馳電驚三百里坡隴聯翩雜平楚船頭
風浪聲愈厲助以長笛槳鼉鼓豈惟澎湃震山
嶽直恐瀕洞連后土起看草木盡南靡水鳥號

鳴集洲渚稽首龍公謝風伯區區未禱煩神許
應知老去負壯心戲遣窮途出豪語

望江道中

吾道非邪來曠野江濤如此去何之起隨鳥鶴
初翻後宿及牛羊欲下時風力漸添帆力健艣
聲常雜雁聲悲晚來又入淮南路紅樹青山合
有詩

秋夜讀書每以二鼓盡爲節

腐儒碌碌歎無奇微喜遺編不我欺白髮無情
侵老境青燈有味似兒時高梧策策傳寒意疊
鼓蓼蓼迫睡期秋夜漸長飢作祟一盃山藥進
瓊糜

往在都下時與鄒德章兵部同居百官宅
無日不相從僕來佐豫章而德章亦謫高
安感事迹懷作歌奉寄

巷南巷北秋月明東家西家讀書聲官閑出局

各無事冷落往往思同盟出門相尋索一笑亦
或邂逅因俱行黃中掀髯語激烈韶美堅坐書
縱橫子充清言喜置酒赤梨綠柿相扶檠寒燈
耿耿地爐暖宮門風順聞疎更故交一作霜葉
散外物已付秋毫輕兩窮相遭世果有我與鄒
子俱南征豫章高安本一郡挂帆起拖無三程
簿書衮衮不少偕懷抱鬱鬱何由傾明年君歸
我亦去早十三畝開柴荆軟紅舊路莫重蹋二
升脫粟同煨鑪

寄畬綿州楊齊伯左司

磊落人爲磊落州滕王閣望越王樓欲憑夢去
直虛語賴有詩來寬旅愁我老一官書紙尾君
行千騎試遨頭遙知小寄平生快春酒如川炙
萬牛

送全州趙都曹

霜葉無停聲脂車有行色正悲南浦秋又送清

湘客啼飢兒頰紅待養親髮白努力事上官世
路日已迫

病中作

豫章瀕大江氣候頗不令孟冬風薄人十室八
九病外寒客肺胃下溼攻腳脛俗巫醫不藝嗚
呼安託命我始屏藥囊治疾以清靜幻妄消六
塵虛白全一性三日體遂輕成此不戰勝長年
夏事多苦語君試聽

夜夢從數客雨中載酒出遊山川城闕極
雄麗云長安也因與客馬上分韻作詩得
遊字

有酒不謀州能詩自勝侯但須繩繫日安用地
埋憂射雉侵星出看花秉燭遊殘春杜陵雨不
恨溼貂裘

去年余佐京口遇王嘉叟從張魏公督師
過焉魏公道免相嘉叟亦出守莆陽近辱

書報魏公已葬衡山感歎不已因用所遺

柱頰亭詩韻奉寄

河亭挈手共徘徊萬事寧非有數哉黃閣相君
三黜去青雲學士一麾來中原故老知誰在
南嶽新丘共此哀火冷夜窗聽急雪相思時取近
書開

自詠示客

衰髮蕭蕭老郡丞洪州又看上元燈羞將枉直

分尋尺寧走東西就斗升吏進飽諳箝紙尾客
來苦勸摸牀稜歸裝漸理君知否笑指廬山古

澗藤

廬山僧近寄
藤杖甚奇

醉中歌

吾少貧賤真臞儒貪食嗜味老不除折腰歛版
日走趨歸來聊以醉自娛長餅巨榼羅盃盃不
須漁翁勸三閭牛尾膏美如凝酥猫頭輪困欲
專車黃雀萬里行頭顱白鵝作鮓天下無潯陽

糖蟹徑尺餘吾州之痺尤嘉蔬珍盤餽百味
俱不但項鬻與腹腴悠然一飽自笑愚顧爲口
腹勞形軀投効行矣歸園廬莫厭糲飯嘗黃菹

寄陶茂安監丞

永州太守鬢毛殘矍鑠猶能起據鞍徵士雖思
賦松菊隱居未可挂衣冠功名夢境元非實歌
舞山城且自寬也勝鐘陵窮別駕閉門無客遣
憂端

燒香

茹芝却粒世無方隨食江湖每自傷千里一身
鳧泛泛十年萬事海茫茫春來鄉夢憑誰說歸
去君恩未敢忘一寸丹心幸無愧庭空月白夜
燒香

寒食臨川道中

百卉千花子不存墮溪飛絮看無痕家人自作
清明節老子來穿綠暗村日落啼鴉隨野祭雨

餘荒蔓上頽垣道邊醉飽休相避作吏堪羞甚
乞墦

上巳臨川道中

二月六夜春水生陸子初有臨川行溪深橋斷
不得渡城近臥聞吹角聲三月三日天氣新臨
川道中愁殺人纖纖女手桑葉綠漠漠客舍桐
花春平生怕路如怕虎幽居不省遊城府鶴軀
苦瘦坐長飢龜息無聲惟默數如今自憐還自
笑歛版低心事年少儒冠未恨終自誤刀筆最
驚非素料五更欹枕一悽然夢裏扁舟水接天
紅蕖綠芰梅山下白堦朱樓禹廟邊

寄別李德遠

蕭蕭風雨臨川驛邂逅連床若有期自起挑燈
貪夜話疾呼索飯療朝飢皆記前日相從時事卽今剛月
共千里已占深林巢一枝惜別自嫌兒女態夢

騎羸馬度芳陂

德遠所居名秣陂

又

李侯不恨世賣友陸子那須錢買山出牧君當
千里去歸耕我判一生閑中原亂後儒風替黨
禁興來士氣孱復古主盟須老手勉追慶曆數

公間

初夏道中

桑間甚熟麥齊腰鷲語惺惚野雉驕日薄人家
晒蠶子雨餘山客買魚苗豐年隨處俱堪樂行

路終然不自聊獨喜此身強健扛又搖團扇著
絳蕉

示兒子

父子扶攜返故鄉欣然擊壤詠陶唐墓前自誓
寧非隘澤畔行吟未免狂雨潤止窗看洗竹霜
清南陌課剝桑秋毫何者非君賜回首修門敢
遽忘

重五同尹少稷觀江中競渡

楚人遺俗閱千年
簫鼓喧呼鬪画船
風浪如山鮫鱔橫
何心此地更爭先

過玉山辱芮國器檢詳畱語甚勤因寄此
詩兼呈韓无咎右司

遠東歸老白襦裙
名字何堪遣世聞
便謂與公長契濶
不知畱語故慇懃
詩章有便猶應寄
祿米無多切莫分
舊見檢詳俸甚薄故有此戲
倘見右司煩說
似每因風月愴離羣

隨意

隨意上漁舟
幽尋不預謀
清溪欣始泛
野寺憶前遊
豐歲雞豚賤
霜天柿栗稠
餘生知有幾
且置萬端憂

寄龔實之正言

臺省諸公歲歲新
平生敬慕獨斯人
山林不恨音塵遠
夢寐時容笑語親
學道皮膚雖脫落
憂時肝膽尚輪囷
至和嘉祐須公了
乞向升平作

幸民

遊山西村

莫笑農家臘酒渾豐年畱客足雞豚山重水複
疑無路柳暗花明又一村簫鼓追隨春社近衣
冠簡朴古風存從今若許閑乘月拄杖無時夜
叩門

觀村童戲溪上

雨餘溪水掠堤平閑看村童戲晚晴竹馬踉蹌

衝淖去紙鳶跋扈扶風鳴三冬暫就儒生學

村人

惟冬三月遣
兒童入小學

千耦還從父老耕識字粗堪供賦

役不須辛苦慕公卿

雨霽出遊書事

十日苦雨一日晴拂拭拄杖西村行清溝泠泠
流水細好風習習吹衣輕四鄰蛙聲已閣閣兩
岸柳色爭青青辛夷先開半委地海棠獨立方
傾城春工遇物初不擇亦秀燕麥開蕪菁薺花

如雪又爛熳百草紅紫那知名小魚誰取置道
側細柳穿頰危將烹欣然買放寄吾意草萊無
地蘇疲氓

殘春

殘春醉著釣魚菴花雨娛人落半巖豈是天公
無皂白獨悲世俗異酸鹹妄身似夢行當覺談
口如狂未易緘已作沉舟君勿歎年來何止閱
千帆

家園小酌

旋作園廬指顧成柳陰已復著啼鶯百年夏把
幾盃酒一月元無三日晴鷗鷺向人殊耐久山
林與世本無營小詩漫付兒曹誦不用韓公說
有聲

又

滿林春筍生無數竟日鷓鴣來百回衣上塵埃
真一洗洒邊懷抱得頻開池魚往者憂奇禍社

櫟終然幸散材世事紛紛心本懶閉門豈獨畏
嫌猜

寄王嘉叟吏部

宿負煩公議隆寬荷聖時江湖真送老藥餌且
扶衰撫事驚年往懷人有夢知敢嗟貧到骨飲
水誦君詩

嘉叟有漁
隱堂詩

夜讀隱書有感

平生志慕白雲鄉俯仰人間每自傷倦鶴摧頽

寧望料寒龜感縮且支牀力探鴻寶尋奇訣剡
采青精試祕方常鄙臞仙老山澤要令仰首看
飛翔

上虞逆旅見舊題歲月感懷

舩艣爲家東復西今朝破曉下前溪青山缺處
日初上孤店開時鷺亂啼倦枕不成千里夢壞
墻閑覓十年題漆園傲吏猶非達物我區區豈
足齊

舜廟懷古

雲斷蒼梧竟不歸江邊古廟鎖朱扉山川不爲
興亡改風月應憐感慨非孤枕有時鷺喚夢斜
風無賴客添衣千年回首消磨盡輸與漁舟送
落暉

題十八學士圖

隋日昏曠東南傾雷塘風吹草木腥平時但忌
黑色兒不知乃有虬鬚生晉陽龍飛雲滄滄關
洛萬里卽日平東征歸來脫金甲天策開府延
豪英琴書閑暇永清晝簪履光彩明華星高叅
伊呂列佐命下者才氣猶崢嶸但餘一恨到千
載高陽繆公來竄名老奸得志國幾喪李氏誅
徙連孤嬰向令亟念履霜戒危亂安得存勾萌
衆賢一佞旤尚爾掩卷涕淚臨風橫

統分稻晚歸

出裏一簞飯歸收百把禾勤勞解堪忍餘暇更

吟哦歲惡增吾困家貧賴汝多村醪莫辭醉羹

芋學岷峨是日作芋羹

又

薄酒不自酌夕陽須汝歸橘包霜後美豆莢雨中肥路遠應加飯天寒莫減衣老懷憂自切道

眼看皆非

衰病

衰病不浪出閉門煙雨中葦花添絮暝葑火試

爐紅湖村采老葑作火甚妙仕宦蠟窠夢功名馬耳風山

翁但更事人看作神通

又

病除猶老健雨止得冬晴覓句嗟心在鈔書試眼明朝寒添布褐晚步出柴荆外慕終無益兒曹且力耕

霜風

十月霜風吼屋邊布裘未辦一銖綿豈惟飢索

隣僧米真是寒無坐客羶身老嘯歌悲永夜家
貧撐拄過凶年丈夫經此寧非福破涕燈前一
粲然

小酌

槃箸貧猶設杯盂老叟耽宗文樹雞柵靈照挈
蔬籃徑醉眼花亂高眠鼻息酣覺來寒日晚落
葉擁茆菴

十月苦蠅

村北村南打稻忙浮雲吹盡見朝陽不宜便作
晴明看撲面飛蠅未退藏

又

十月江南未擁爐癡蠅擾擾莫嫌渠細看豈是
堅牢物付與清霜爲掃除

丫頭巖見周洪道以進士入都日題字

烏巾白紵蹋京塵瑤樹瓊林照路人西省歸來
名蓋代兩行墨色尙如新

獨學

師友彫零身白首杜門獨學就誰評
秋風棄扇知安命小炷留燈悟養生
踵息無聲酣午枕舌根忘味美晨烹
少年妄起功名念豈信身閑心

太平

黃庭經閑暇無事心太平

霜月

枯草霜花白寒窗月影新
驚鴉時繞樹吠犬遠隨人
出仕讒銷骨歸耕病滿身
世間輸壞衲切

莫勸冠巾

寄黃龍升老

讀書萬卷裂儒衣黃金可成棄
不爲快哉天馬不可羈
開口便呼臨濟兒諸方蹴蹋
莫支持吾州一老偶得之

升嗣佛智裕公

閉門夜付僧伽黎
明日

聲價羽檄馳弟子不必不如師
黃龍所立尤瑰奇空山鬼火號
狐狸築屋千礎食萬緇癡人不
解公遊嬉嫉怒欲碎門前碑
世衰道喪士自欺

山林亦復踐駭機長謠寄公公試息吾輩救此
當何施

贈進賢劉令

簿領塵埃裏超然見鳳麟性疎忘顧忌學大有
經綸正論雖頻接高標豈易親向來相識晚吾
黨欠斯人

書室名可參或問其義作此告之

得福常廉禍自輕坦然無媿亦無驚平生祕訣
今相付只向君心可處行

寄訓楊齊伯少卿

楊卿人材金百鍊岐公座上初識面十年萬事
不須說猶喜歸來且強健題詩想見初削瓜寄
到茆堂已歸燕辭巖意密敢輕讀呼兒炷燈重
把卷卽今相望幾千里何日蟬聯語忘倦就令
有使卽寄書豈如無事長相見

劍南詩彙卷第一

虞山毛晉宋本校刊 男展再校 孫綏德又校

劔南詩彙目錄

卷第二

自笑 夜聞松聲有感 十二月一日首二

春日首二 僧房假榻 聞雨 休日有

感 題徐子禮宗丞自覺齋 送張叔潛

編修造朝首四 有感 澗松 將赴官夔

府書懷 送芮國器司業首二 春陰 投

梁參政 宿楓橋 晚泊 金山觀日出

NATIONAL CENTRAL LIBRARY, TAIWAN, R.O.C.

吊李翰林墓 雨中泊趙屯有感 黃

州 武昌感事 夜息 哀郢二首 江陵

道中作 石首縣雨中繫舟戲作短歌

初寒 醉歌 秋風 墻子磯 重陽

早寒 公安 沙頭 大寒出江陵西門

江夏與章冠之遇別後寄贈 題江陵

村店壁 馬上 水亭有懷 移船 將

離江陵 六言 江上 旅食 滄灘

松滋小酌 晚泊松滋渡口二首 荆門二

夜 繫舟下牢溪游三游洞二十八韻

三游洞前巖下小潭水甚奇取以煎茶

扇子峽山腹有草閣小亭極幽邃意其非

俗人居也 蝦蟇碛 黃牛峽廟 過夷

陵適值祈雪與葉使君清飲談栝蒼舊游

既行舟中雪作戲成長句奉寄 泊虎頭

灘下 過東濡灘入馬肝峽 新安驛

秭歸醉中懷都下諸公示坐客 憩歸州

光孝寺寺後有楚冢近歲或發之得寶玉

劔佩之類 飲罷寺門獨立有感 泛溪

船至巴東 巴東遇小雨首二 秋風亭拜

寇萊公遺像首二 巴東令解白雲亭 謁

巫山廟兩廡碑版甚衆皆言神佐禹開峽

之功而詆宋玉高唐賦之妄余亦賦詩首一

聞猿 瞿唐行 入瞿唐登白帝廟

登江樓 雪中臥病在告戲作 雪晴

玉笈空書事首二 記夢 灑西 山寺

蹋磧 寒食 晚晴書事呈同舍 鄉中

每以寒食立夏之間省墳客夔適逢此時

悽然感懷首二 試院春晚 倚闌 自詠

午興 風雨中望峽口諸山奇甚戲作

短歌 夜坐庭中 新蔬 初夏懷故山

初夏新晴 定拆號日喜而有作 睡

起 四月二十九日作 苦熱 拆號前
一日作 暴雨 西竺雨後 急雨 晚
晴聞角有感 夏夜起坐南亭達曉不復
寐 夜登白帝城樓懷少陵先生 假日
書事 林亭書事二首 遊臥龍寺 久病
灼艾後獨臥有感 秋晚病起 秋思
一病四十日天氣遂寒感懷有賦 登城
夔州重陽 追懷曾文清公呈趙教授

趙近嘗示詩 謝張廷老司理錄示山居
詩二首 秋晴欲出城以事不果 南窗
遣興 九月三十日登城門東望悽然有
感 初冬野興 東屯呈同遊諸公 別
王伯高 書驛壁二首 醉中到白崖而歸
十二月十九日晚巫山送客歸回望西
寺小閣縹緲可愛遂與趙郭二教授同遊
抵夜乃還楚鄉偶得長句呈二君

劍南詩集卷第二

自笑

自笑平生醉後狂，千鍾使氣少年場。那知病葉
先摧落，却羨寒龜巧縮藏。藥物及時希老健，山
家隨日了窮忙。凶年坐待新春麥，莫厭清吟雪
夜長。

夜聞松聲有感

清晨放船落星石，大風吹颿如箭激。回頭已失

廬山雲却上吳城觀落日夜淡龍歸擘祠門入
木數寸畱爪痕明朝就視心尚慄腥風卷地雷
霆奔歸船買酒持自慰性命平生驚屢戲固知
神怒有定時波紋感作魚鱗細如今衰病臥林
垆霜覆茆簷月滿庭松聲驚破三更夢猶作當
時風浪聽余丙戌七月自京口移官豫章昌風濤
自星子解舟不半日至吳城山小龍廟

十二月一日

病愈都忘老晴和已似春畦蔬青長甲塘水綠

生鱗酒盃論交密丹爐作夢新窮居那敢恨幸

遠庾公塵

又

東風吹斗柄暖律變嚴凝草色迷殘燒溪流帶
斷冰兒書春日榜女翦上元燈莫笑蒲龕睡山
翁怯歲增

春日

老夫一臥三山下兩見城門送土牛貧舍春盤

還草草暮年心事轉悠悠湖光漲綠分煙浦柳
色搖金映市樓藥餌及時身尚健無風無雨且
閑遊

又

久拋朝幘嬾重彈華髮蕭然二寸冠不恨淒涼
侵晚境猶能語笑向春盤銀盃酒色家家綠
筍笠煙波處處寬一片梅花無復在却嫌新煖換
餘寒

僧房假榻

過盡青山喚渡船晚窗洗腳臥僧氈剜債平日
清遊願更結來生熟睡緣吞啄漸稀如老鶴鳴
聲已斷似寒蟬旁觀莫苦嘲癡鈍此妙吾宗祕
不傳

聞雨

慷慨心猶壯蹉跎鬢已秋百年殊鼎鼎萬事祇
悠悠不悟魚千里終歸貉一丘夜闌聞急雨起

坐涕交流

休日有感

少年從宦地休日喜無涯坐上強留客街頭旋
買花開軒催汛掃脫帽共誼譁村巷朋遊絕逢
春祇自嗟

題徐子禮宗丞自覺齋

末俗紛紛只自謾惟公肯向靜中觀閒看此事
從何得正自它人著力難茶熟松風生石鼎香
殘雲縷遶蒲團江湖多少癡禪衲蹋破青鞵覓
話端

送張叔潛編修造朝

此士名高北斗南眼中獨許我同參囟囟却作
臨分恨一月何曾笑二三

又

簡牘清閒勝狡讐題詩應肯寄夔州東厨羊羹

聊堪飽北面鈴稀莫強愁

東厨密院厨也烹羊最珍北面房
行邊事每聞鈴聲馳至則知有警

又

北窗銅碾破雲腴捫腹脩然一事無安用雁行

排院吏正須魚貫看胡奴

院吏視屬官倍甚每軍中解降胡至密院屬官先見之

又

芒屨年來漸嬾穿閉門日日只高眠今朝出送
張夫子借得南隣放鳥船

有感

雲崦重重不易尋庖厨性命走山林但令有月
同幽夢更用何人識苦心流輩漸稀知死近鬢
毛無色覺愁侵平生自許忘情者頗怪燈前感
慨淡

澗松

藥出山來爲小草揪成樹後困長藤澗松鬱鬱
何勞歎却是人間奈廢興

將赴官夔府書懷

病夫喜山澤抗志自年少有時緣龜飢妄出丐

鶴料亦嘗厠朝紳退懦每自笑正如怯酒人雖
愛不敢齟一從南昌免五歲嗟不調朝廷每哀
矜幙府誤辟召終然歛孤迹萬里遊絕徼民風
雜莫徭封域近無詔淒涼黃魔宮峭絕白帝廟
又嘗聞此邦野陋可嘲訥通衢舞竹枝譙門對
山燒浮生一夢耳何者可慶吊但愁癯纍纍把
鏡羞自照

夔民多癯無者
十財一二耳

送芮國器司業

此心知我豈非天雙鬢皤然氣浩然曾見灰寒
百僚底真能山立萬夫前洛城霜重聽宮漏雪
水雲淡著釣船拈起吾宗安樂法人生何處不
隨緣

又

往歲淮邊虜未歸諸生合疏論危機人材衰靡
方當慮士氣崢嶸未可非萬事不如公論久諸
賢莫與衆心違還朝此段宜先及

發揮

春陰

春風浩蕩作春陰弱燕歸來不自禁白堊昏昏
纔半露青山淡淡欲平沉
袞茸細雨初驚溼屐
齒新泥忽已深直怕樓高生客恨不因病起倦
登臨

投梁參政

浮生無根株志士惜浪歿雞鳴何預人推枕中
夕起游也本無奇腰折百僚底流離鬢成絲悲
咤淚如洗殘年走巴峽辛苦爲斗米遠衝三伏
熱前指九月水回首長安城未忍便萬里袖詩
叩東府再拜求望履平生實易足名幸污黃紙
但憂死無聞功不挂青史頗聞匈奴亂天意歿
蚍豕何時嫖姚師大刷渭橋恥士各奮所長儒
生未宜鄙覆瓿草軍書不畏塞墮指

宿楓橋

七年不到楓橋寺客枕依然半夜鐘風月未須
輕感慨巴山此去尚千重

晚泊

半世無歸似轉蓬今年作夢到巴東身遊萬死
一生地路入千峰百嶂中鄰舫有時來乞火棹
祠無處不祈風晚潮又泊淮南岸落日啼鴉戍
堞空

金山觀日出

繫船浮玉山清晨得奇觀日輪擘水出始覺江
面寬遙波撼紅鱗翠靄開金盤光彩射樓堦丹
碧浮雲端詩人窘筆力但詠秋月寒何當羅浮
望湧海夜未闌

吊李翰林墓

飲似長鯨快吸川息如渴驥勇犇泉客從縣令
初何有醉忤將軍亦偶然駿馬名姬如昨日斷
碑喬木不知年浮生今古同歸此回首栢公亦

故阡

桓温冢亦在當塗

雨中泊趙屯有感

歸燕羈鴻共斷魂
荻花楓葉泊孤村
風吹暗浪重添纜
雨送新寒半掩門
魚市人煙橫慘淡
龍祠簫鼓鬧黃昏
此身且健無餘恨
行路雖難莫更論

黃州

局促常悲類楚囚
遷流還歎學齊優
江聲不盡英雄恨
天意無私草木秋
萬里羈愁添白髮
一帆寒日過黃州
君看赤壁終陳迹
生子何須似仲謀

武昌感事

百萬呼盧事已空
新寒擁褐一衰翁
但悲鬢色成枯艸
不恨生涯似斷蓬
煙雨淒迷雲夢澤
山川蕭瑟武昌宮
西遊處處堪流涕
撫枕悲歌興未窮

夜思

露泣啼螿草潮生宿雁汀
經年寄孤舫終夜託
丘亭楚澤無窮白巴山何處青
四方男子事不敢恨飄零

哀郢

遠接商周祚最長北盟齊晉勢爭強
章華歌舞終蕭瑟雲夢風煙舊莽蒼
草合故宮惟雁起盜穿荒冢有狐藏
離騷未盡靈均恨志士千秋淚

滿裳

又

荊州十月早梅春徂歲真同下阪輪
天地何心窮壯士江湖從古著羈臣
淋漓痛飲長亭暮慨悲歌白髮新
欲吊章華無處問廢城霜露溼荆榛

江陵道中作

山川雜吳楚氣候接秋冬
水落魚可拾霜清裘

欲重鄉遙歸夢短酒薄客愁濃白帝何時到高
吟醉臥龍

石首縣雨中繫舟戲作短歌

庚寅去吳西適楚秋晚孤舟泊江渚荒林月黑
虎欲行古道人稀鬼相語鬼語亦如人語悲楚
國繁華非晉時章華臺前小家住茆屋雨漏秋
風吹悲哉秦人真虎狼欺侮六國囚侯王亦知
興廢古來有但恨不見秦先亡開窗醉汝一盃
酒等爲亡國秦更醜驪山冢破已千年至今過
者無傷憐

初寒

船尾寒風不滿旗江邊菰祠常掩扉行人畏虎
少晨起舟子捕魚多夜歸茆葉翻翻帶宿雨葦
花漠漠弄斜暉傷心到處聞碓杵九月今年未
授衣

醉歌

老夫檣竿插蒼石水落岸沙痕數尺江南秋盡
未搖落榭葉離離楓葉赤楚人自古多悲傷道
傍行歌猶感激野花碧紫亦滿把澗果青紅正
堪摘客中得酒薄亦好江頭爛醉真不憚千古
興亡在目前鬱鬱關河含暝色飢鴻墜翅掠舟
過此意與我同悽惻三撫闌干恨未平月明正
照顏烏憤

秋風

稱風吹客檣節物歎遐方歲事忽云暮吾行殊
未央霜清漢水綠日落楚山蒼此去三巴路無
猿亦斷腸

墻子磯

墻子磯前艇子橫一窗秋月爲誰明青山不減
年年恨白髮無端日日生七澤蒼茫非故國九
歌哀怨有遺聲古來撥亂非無策夜半潮平意
未平

重陽

照江丹葉一林霜折得黃花
更斷腸商略此時須痛飲
細腰宮畔過重陽

早寒

河鄂猶殘暑荆巫已早寒
潦收灘正白霜重葉初丹
節物元非惡情懷自鮮歡
算年更世事唯有醉江干

公安

地曠江天接沙隕市井移
避風畱半日買米待多時
蝶冷停菰葉鷗馴傍艣枝
管人勲業地搔首歎吾衰

縣有呂子
明舊城

沙頭

游子行愈遠沙頭逢暮秋
孫劉鼎足地荆益犬牙州
鼓角風雲慘江湖日夜浮
此生應袞袞高枕看東流

大寒出江陵西門

平明羸馬出西門
淡日寒雲久吐吞
醉面衝風驚易醒
重裘藏手取微溫
紛紛狐兔投深莽
點點牛羊散遠村
不爲山川多感慨
歲窮遊子自消魂

江夏與章冠之遇別後寄贈

騎鶴仙人不可呼
一樽猶得與君俱
未應湖海無豪士
長恨乾坤有腐儒
壯歲光陰隨手過
晚途衰病要人扶
淒涼江夏秋風裏
況見新豐舊

酒徒

題江陵村店壁

青旆三家市
黃茆十里岡
蓬飛風浩浩
塵起日茫茫
馳騁多從獸
鉏耰少破荒
行人相指似
此路走襄陽

馬上

燈前薄飢陳鹽齏
帶睡強出行江隄
五更落月移樹影
十月清霜侵馬蹄
荒陂噉噉已度雁
小

市啜啜初鳴雞可憐萬里覓歸夢未到故山先
自迷

水亭有懷

漁村把酒對丹楓水驛憑軒送去鴻道路半年
行不到江山萬里看無窮故人草詔九天上老
子題詩三硤中笑謂毛錐可無恨書生處處與
卿同

移船

沙際舟銜尾相依作四隣暮年多感慨分路亦
酸辛折竹占行日吹簫賽水神無勞問亭驛久
客自知津

將離江陵

莫莫過渡頭旦旦走隄上舟人與關吏見熟識
顏狀癡頑久不去常恐遭誚讓昨日倒檣干今
日聯百丈買薪備雨雪儲米滿瓶盎明當遂去
此障袂先側望卽今孟冬月波濤幸非壯潦收

出奇石霧卷見疊嶂地嶮多崎嶇峽束少平曠
從來樂山水臨老愈跌宕皇天憐其狂擇地令
自放山花白似雪江水綠於釀竹枝本楚些妙
句寄悽愴何當出清詩千古續遺唱

六言

三巴亦有何好萬里翩然獨尋本意爲君說破
消磨夢境光陰

江上

江上霜寒透客衣閉窗羸臥不支持羈孤形影
真相吊衰颯頭顱已可知潦縮穩經行雨峽竹
疎賸見挂猿枝清樽可置須勤醉莫望功名老
大時

旅食

霜餘漢水淺野迴朔風寒炊黍香浮甑烹蔬綠
映盤心安失粗糲味美出艱難惟恨虛捐日無
書得縱觀

滄灘

百夫正謹助鳴鑼舟中對面不得語須臾人散
寂無譁惟聞百丈轉兩車嘔嘔啞啞車轉急舟
人已在沙際立霧斂蘆村落照紅雨餘漁舍炊
煙溼故鄉回首已千山上峽初經第一灘少年
亦慕宦遊樂投老方知行路難

松滋小酌

西遊六千里此地最淒涼騷客久埋骨巴歌猶
斷腸風聲撼雲夢雪意接瀟湘萬古茫茫恨悠
然付一觴

晚泊松滋渡口

此行何處不艱難寸寸強弓且旋彎縣近歡欣
初得萊江回徙倚忽逢山繫船日落松滋渡跋
馬雲埋灩澦關未滿百年均是客不須數日待
東還

又

小灘拍拍鷓鴣飛深竹蕭蕭杜宇悲看鏡不堪
衰病後繫船最好夕陽時生涯落魄惟耽酒客
路蒼茫自詠詩莫問長安在何許亂山孤店是
松滋

荆門冬夜

常飢龜老欲無腸臥聽寒更自短長香椀得閑
聊作伴酒盃因病頗相忘有情窗罅恰通月耐
冷艣枝多得霜歷盡風波知險阻平生錯羨捕

魚郎

繫舟下牢溪游三游洞二十八韻

舊觀三峽圖常謂非人情意疑天壤間豈有此
崢嶸畫師定戲耳聊欲窮丹青西游過沔鄂莽
莽千里平昨日到峽州所見始可驚乃知畫非
妄却恨筆未精及茲下牢戍峰嶂畢自呈下入
裂坤軸高騫插青冥角勝多列峙擅美有孤撐
或如釜上甑或如坐後屏或如倨而立或如喜

而迎或深如螺房或疎如窗櫺峨巍冠冕古婀娜
髻髮傾其間絕出者虎搏蛟龍寧崩崖凜欲
墮脩梁架空橫懸瀑瀉無底終古何時盈幽泉
莫知處但聞珎珎鳴怪怪與奇奇萬狀不可名
久聞三游洞疾走忘病嬰竇穴初漆黑偃僕捫
壁行方虞觸蝥蛇頰見一點明扶接困僮奴恍
然出瓶罌穹穹厦屋寬滴乳成微泓題名歐與
黃雲蒸蒼蘚平穿林走驚麕拂面逢飛鼯息倦
盤石上拾糞置茶鏹長嘯畲谷響清吟和松聲
辭卑不堪刻猶足寄友生

三游洞前巖下小潭水甚奇取以煎茶

苔徑芒屨滑不妨潭邊聊得據胡床巖空倒看
峯巒影礪遠中含藥草香汲取滿瓶牛乳白分
流觸石珎聲長囊中日鑄傳天下不是名泉不
合嘗

扇子峽山腹有草閣小亭極幽邃意其非

俗人居也

絕境慰人心誰家住玉岑亂雲生翠竇密雪灑
青林高閣臨空豁孤亭隱邃溪定知非俗士艣
急不容尋

蝦蟆碚

不肯爬沙桂樹邊朶頤千古向巖前巴東峽裏
最初峽天下泉中第四泉齧雪飲冰疑換骨掬
珠弄玉可忘年清游自笑何曾足疊鼓鼙鼙又

解船

黃牛峽廟

三峽束江流崖谷互吐納黃牛不負重雲表恣
蹴蹋吳船與蜀舸有請神必畲誰憐馬遭刴百
歲割未合拖師浪犇走烹蔬陳酒榼紛然餽神
餘羹肉爭噉嚙空庭多落葉日暮聲颯颯奇文
粲可辨高古篆籀雜村女賣秋茶簪花髻髮匝
襁兒著背上帖妥若在榻山寒雪欲下虎出門

早闔我行忽至此臨風久嗚咽

過夷陵適值祈雪與葉使君清飲談括蒼
舊游旣行舟中雪作戲成長句奉寄

巴楚夷陵酒最醇使君風味更清真少年恨不
從豪飲薄宦那知託近隣本擬笙歌娛病客却
催雨雪惱行人朝來凍手題詩寄莫笑欹斜字
不勻

泊虎頭灘下

大舟已泊燈火明小舟猶行聞舫聲虎頭崔嵬
鹿角橫人生實難君勿輕

過東濡灘入馬肝峽

書生就食等犇逃道路崎嶇信所遭船上急灘
如退鷁人緣絕壁似飛猿口誇遠嶺青千疊心
憶平波綠一篙猶勝溪丁絕輕死無時來往駕

舸艚峽中小船
謂之舸艚

新安驛

孤驛荒山與虎隣
夏堪風雪暗南津
羈遊如此真無策
獨立悽然默愴神
木盜汲江人起早
銀釵簇髻女粧新
蠻風弊惡蛟龍橫
未敢全誇見在身

秭歸醉中懷都下諸公示坐客

長謠爲子說天涯
四座聽歌且勿譁
蠻俗殺人供鬼祭
敗舟觸石委江沙
此身長是滄浪客
何日能爲飽暎家
坐憶故人空有夢
尺書不敢到

京華

憩歸州光孝寺寺後有楚冢近歲或發之
得寶玉劔佩之類

秭歸城畔蹋斜陽
古寺無僧畫閉房
殘佩斷釵陵谷變
苦茆架竹井閭荒
虎行欲與人爭路
猿嘯能令客斷腸
宋莫倚樓搔短髮
剗題新恨付巴娘

飲罷寺門獨立有感

一邑無平土邦人例得窮淒涼遠嫁歸顛顛獨
醒翁今古關干外悲歡酒醜中三巴不搖落搔

首對丹楓

州有屈大夫
及明妃祠

泛溪船至巴東

谿船莫嫌迮船迮始相宜兩槳行何駛重灘過
不知荒村寇相縣破屋屈平祠不奈新愁得啼
猿挂冷枝

巴東遇小雨

暫借清溪伴釣翁沙邊微雨溼孤蓬從今詩在
巴東縣不屬灞橋風雪中

又

西遊萬里亦何爲欲就騷人乞棄遺到此宛然
詩不進始知才分有窮時

秋風亭拜寇萊公遺像

江上秋風宋玉悲長官手白葦茅茨人生窮達
誰能料蠟淚成堆又一時

又

豪傑何心後世名材高遇事卽崢嶸巴東詩句
澶州策信手拈來盡可驚

巴東令解白雲亭

寇公壯歲落巴蠻得意孤亭縹緲間常倚曲闌
貪看水不安四壁怕遮山遺民雖盡猶能說老
令初來亦愛閑正使官清貧至骨未妨畱客聽
潺湲

謁巫山廟兩廡碑版甚衆皆言神佐禹開
峽之功而詆宋玉高唐賦之妄予亦賦詩
一首

真人翳鳳駕蛟龍一念何曾與世同不爲行雲
求弭謗邨因治水欲論功翱翔想見虛無裏毀
譽誰知溷濁中讀盡舊碑成絕倒書生惟慣詔
王公

聞猿

瘦盡腰圍不爲詩良辰流落自成衰也知客裏
偏多感誰料天涯有許悲漢塞角殘人不寐渭
城歌罷客將離故應未抵聞猿恨況是巫山廟
裏時

瞿唐行

四月欲盡五月來峽中水漲何雄哉浪花高飛
暑路雪灘石怒轉晴天雷千艘萬舸不敢過篙
工拖師心膽破人人陰拱待勢衰誰敢輕行犯
奇禍一朝時去不自由山腹空有沙痕畱君不
見陸子歲暮來夔州瞿唐峽水平如油

入瞿唐登白帝廟

曉入大谿口是爲瞿唐門長江從蜀來日夜東
南犇兩山對崔嵬勢如塞乾坤峭壁空仰視欲
上不可捫禹功何巍巍尙覩鑄鑿痕天不生斯
人人皆化魚龍於時仲冬月水各歸其源灑灑
屹中流百尺呈孤根參差層巔屋邦人祀公孫

力戰死社稷宜享廟貌尊丈夫貴不撓成敗何
足論我欲伐巨石作碑累千言上陳躍馬壯下
斥蔡騾昏雖慚豪偉詞尙慰雄傑魂君王管玉
食何至歆雞豚願言采芳蘭舞歌薦清尊

登江樓

已過瞿唐夏少畱小舩聊繫古夔州

瞿唐關卽唐夔州也

簿書未破三年夢杖屨先尋百尺樓日暮雪雲
迷峽口歲窮畚火照關頭野人不解微官縛尊

酒應來此散愁

雪中臥病在告戲作

面裂愁出門指直但藏袖誰云三峽熱有此凜
冽候殷勤愧雪片飛舞爲我壽方驚四山積已
見萬瓦覆豈惟寒到骨遂覺疾在腠地爐熾薪
炭禁坐連昏晝梅花眞強項不肯落春後俗人
愛桃李苦道太疎瘦清芬終見賞此事非速售
已矣吾何言高枕聽簷溜

雪晴

臘盡春生白帝城
俸錢雖薄躬耕眼前但恨
親朋少身外元知得喪輕
日吹滿窗松竹影雪
消並舍鳥烏聲
老來莫道風情減
憶向煙蕪信馬行

玉笈齋書事

莫笑新霜點鬢鬚
老來却得少工夫
晨占上古連山易
夜對西真五嶽圖
叔夜曾聞高士嘯
孔

賓豈待異人呼
肩間喜色誰知得
今日新添火四鉢

又

雪霽茆堂鐘磬清
晨齋枸杞一杯羹
隱書不厭千回讀
大藥何時九轉成
孤坐月魂寒徹骨
安眠龜息浩無聲
剗分松屑爲山信
明日青城有使行

時傳道人欲歸青城

記夢

金匱詩集 二十七
夢裏都忘困晚途縱橫艸疏論遷都不知盡挽
銀河水洗得平生習氣無

灤西

千載灤西路今年著腳行匆匆衰已具渺渺恨
難平絕壁猿啼雨深枝鶴報晴亦知憂吏責未
忍廢詩情

山寺

籃輿送客過江村小寺無人半掩門古佛負牆

塵漠漠孤燈照殿雨昏昏喜投禪榻聊尋夢嬾
爲啼猿夏斷魂要識人間盛衰理岸沙君看去

年痕

峽漲時水高數十丈至冬盡落

蹋磧

鬼門關外逢人日蹋磧千家萬家出竹枝慘戚
雲不動劔器聯翩日將夕行人十有八九瘦見
慣何曾羞顧影江邊沽酒沙上臥峽口月出風
吹醒人生未死信難知顛顛夔州生鬢絲何日

画舫搖桂楫西湖却賦探春詩

寒食

峽雲烘日欲成霞
灤水生紋淺見沙
又向蠻方作寒食
強持卮酒對梨花
身如巢燕年年客
心羨游僧處處家
賴有春風能領略
一生相伴遍天涯

晚晴書事呈同舍

以下十七首皆試院作

魚復城邊夕照紅
物華偏解惱衰翁
巴馬有恨

啼芳樹野水無情入
故宮許國漸疎悲壯
讀書多忘媿新功
因君笑語增惆悵
京洛交遊欲半空

鄉中每以寒食立夏之間省墳客夔適逢此時悽然感懷

松陰繫馬啟朱扉
粗糝青紅正此時
守墓萬家猶有日
及親三釜永無期
詩成謾寫天涯淚
盡何由地下知
富貴賤貧俱有恨
此生長廢蓼

我詩

又

手持綠酒酌蒼苔
今歲何由疋馬來
清淚不隨春雨斷
孤吟欲和算猿哀
皂貂破弊歸心切
白髮淒涼老境催
誓墓只思長不出
松門日日手親開

試院春晚

病息蕭條掩綠罇
閑坊寂歷鎖朱門
故人別久難尋夢
遠客愁多易斷魂
漫漫晚花吹灑岸
離離春艸上宮垣
此生飄泊何時已
家在山陰水際村

倚闌

故山未敢說歸期
十口相隨又別離
小雨初收殘照晚
闌干西角立多時

自詠

朝衣無色如霜葉
將奈雲安別駕何
鐘鼎山林

俱不遂聲名官職兩無多低昂未免聞雞舞慷慨猶能擊筑歌頭白伴人書紙尾只思歸去弄煙波

午興

漸轉廊腰日徐來峽口風殮漿僂北客淖粥稱衰翁槐晚纖纖綠榴殘續續紅責輕仍飽食三歎愧無功

風雨中望峽口諸山奇甚戲作短歌

白鹽赤甲天下雄拔地突兀摩蒼穹凜然猛士撫長劔空有豪健無雍容不令氣象少渟滯常恨天地無全功今朝忽悟始歎息妙處元在煙雨中太陰殺氣橫慘澹元化變態含空濛正如奇材遇事見平日乃與常人同安得朱樓高百尺看此疾雨吹橫風

夜坐庭中

人靜風褰幔更闌露泫衣暗窗飢鼠齧空廡冷

螢飛歲月背人去鄉閭何日歸脫巾還感歎殘
髮不勝稀

新蔬

黃瓜翠苴最相宜上市登盤四月時莫擬將軍
春薺句兩京名價有誰知

初夏懷故山

鏡湖四月正清和白埕紅橋小艇過梅雨晴時
插秧鼓蘋風生處采菱歌沉迷簿領吟哦少淹

泊蠻荒感慨多誰謂吾廬六千里眼中歷歷見
漁蓑

初夏新晴

曲徑泥新晚照明小軒纔受一床橫翩翩乳燕
穿簾影款款新篁解籜聲藥物屏除知病減夢
魂安穩覺心平深居不恨無來客時有山禽自
贊名

定拆號曰喜而有作

小雨如絲落復收，悄無人語但鳴鳩。
挽鬢預想諸兒喜，倒指猶爲五日留。
滿案堆書惟引睡，侵天圍棘不遮愁。
爲農父子長相守，誤計隨人學宦遊。

睡起

時閉試院中
已月餘矣

深閉重門謝簿書，日長添得睡工夫。
水紋竹簟涼如洗，雲碧紗幮薄欲無。
半吐山榴看著子，新來梁燕見將雛。
夢回茗椀聊須把，自掃桐陰置

瓦爐

四月二十九日作

假館猶三日，還家甫四旬。
昏眸雲霧隔，衰鬢雪霜新。
尊酒雖情近，病目止酒囊詩却未貧。
但愁門有客流汗，強冠巾。

苦熱

萬瓦鱗鱗若火龍，日車不動汗珠融。
無因羽翮氛埃外，坐覺蒸炊金甌中。
石礪寒泉空有夢，冰

壺團扇欲無功餘威向晚猶堪畏浴罷斜陽滿
野紅

拆號前一日作

飄零隨處是生涯斷梗飛蓬但可嗟稚子歡迎
先入夢從兵結束待還家食眠屢失身多病憂
愧相藥髮易華隔日寄聲爲薄具石榴應有未
開花

暴雨

風怒欲掀屋雨來如決隄孤燈映窗滅羈鳥就
簷棲暑令方炎赫秋聲忽慘淒傳聞漲江水已
斷灑東西

西竺雨後

香椀灰深微炷火茶鐺聲細緩煎湯百年浮世
幾人樂一雨虛竺三日涼簾外微風斜燕影池
邊殘照斂萱房紗幘石枕蕭然臥付與今宵幽
夢長

急雨

陰雲屯硤口急雨過城頭
白舫投沙峽青帘捲市樓
漂搖爭闔戶壅溢共疏溝
抽得驅蠅手題詩慰旅愁

晚晴問角有感

暑雨初收白帝城
小荷新竹夕陽明
十年塵土青衫色
萬里江山画角聲
零落親朋勞遠夢
淒涼鄉社負歸耕
議郎博士多新奏
誰致當時曾

二生

夏夜起坐南亭達曉不復寐

風露青冥近九秋
脫巾扶杖冷飈颺
曲闌影外巴山月
画角聲中楚塞愁
巢燕竝棲高棟穩
潛魚時躍小池幽
悠然坐待江城曉
紅日將昇碧霧浮

夜登白帝城樓懷少陵先生

拾遺白髮有誰憐
零落歌詩遍兩川
人立飛樓

今已矣浪翻孤月尚依然升沉自古無窮事愚
智同歸有限年此意淒涼誰笑語夜闌鷗鷺起
沙邊

假日書事

萬里西來爲一飢坐曹日日汗霑衣但嫌憂畏
妨人樂不恨疎慵與世違雕檻迎陽花併發画
梁避雨燕雙歸放懷始得閑中趣下馬何人又
叩扉

林亭書事

吏退林亭夏日長烏紗白紵自生涼透簷密葉
帷三面覆水青萍錦一方約束蠻僮收藥富催
呼稚子曬書忙平生幽事還拈起未覺巴山與
故鄉

又

期會文書日日忙偷閑聊得臥方床花藏密葉
多時在風度疎簾特地涼野艇空懷菱蔓滑水

盆誰弄藕絲長角聲喚覺東歸夢十里平湖一

草堂

峽中絕
無菱藕

遊臥龍寺

曉發魚復走瞿唐沙頭喚渡倚胡床峒人爭趁
五夏市我亦來追六月涼殘星欲盡尚歷落明
河已淡餘蒼茫翻翻林表鴉鵲語渺渺煙邊鷗
鷺行過江走馬十五里小寺殘僧真菘爾投鞭
入門爲一笑僻陋稱雄有如此君不見天童徑

山金碧浮虛空千衲梵唄層雲中

久病灼艾後獨臥有感

白帝城高算柝傳幽窗搔首意蕭然江邊雲溼
初橫雁牆下桐疎不庇蟬計出火攻傷老病臥
聞鳶墮歎蠻煙諸賢好試平戎策歛退無心競
著鞭

秋晚病起

心靜病良已翛然巾履輕灰深地爐煖日出紙

窗明宿雨全消瘴新霜賸得晴井梧殊可念無
葉送秋聲

秋思

魚復城邊逢雁飛白頭羈客恨依依遠遊眼底
故交少晚歲人間樂事稀雲重古關傳夜柝月
斜深巷擣秋衣官閑況是頻移疾藥鼎熒熒臥
掩扉

一病四十日天氣遂寒感懷有賦

幽人病起鬢毛殘破口樓臺九月寒茸角又催
孤夢斷早霜初染一林丹鄉閭乖隔知誰健懷
抱淒涼用底寬麴米春香雖可醉灑西新橘尚
餘酸

登城

簿領無時了登臨亦快哉樓危壓城起硤迤東
江來病瘴拋書帙思鄉泥酒盃天寒水盡落灩
澦已崔嵬

夔州重陽

夔州鼓角晚淒悲恰是幽窗睡起時但憶社醅
按菊盞敢希朝士賜萸枝山川信美吾廬遠天
地無情客鬢衰佳日掩門君莫笑病來紗帽不
禁吹

追懷曾文清公呈趙教授趙近嘗示詩

憶在茶山聽說詩親從夜半得玄機常憂老死
無人付不料窮荒見此奇律令合時方帖妥工

夫深處却平夷人間可恨知多少不及同君叩
老師

謝張廷老司理錄示山居詩

顛顛經年客瘴鄉把君詩卷意差強古人三語
猶嗟賞況是珠璣滿錦囊

又

老覺人間萬事非但思茆屋映疎籬秋衾已是
饒歸夢更讀山居二首詩

秋晴欲出城以事不果

古人已去不可回今人日夜歸泉臺浮生細看
只此是到死自苦何爲哉矜名飾詐竟一世忍
寒觸熱忘其骸不令金樽映翠杓坐待白骨生
蒼苔清秋九月瘴如洗白鹽千仞高崔嵬荒庭
落葉不可埽惟有叢菊爭先開灑西黃柑霜落
爪溪口赤梨丹染腮熊肪玉潔美香飯鮓鬪花
糝宜新醅南窗病起亦蕭散甚欲往探城西梅
一官底處不敗意正用此時持事來

南窗

流落逢知少疎慵迂俗多悶拈如意舞狂叩唾
壺歌巴酒禁愁得金丹奈老何南窗好風月聊
復此婆娑

遣興

酒量愁翻減詩聲老轉低日高羹馬齒霜冷駕
雞栖已判功名迂寧論簿領迷賴無權入手軟

弱實如泥

九月三十日登城門東望悽然有感

減盡腰圍白盡頭經年作客向夔州流離去國

歸無日瘴癘侵人病過秋菊蕊殘時初把酒

病中

久止酒秋末方能少飲雁行橫處更登樓蜀江朝暮東南

注我獨胡爲淹此畱

初冬野興

關北關南霜露寒灤東灤西山谷盤篔簹紋細細

吹殘水黿背時時出小灘衰髮病來無復綠寸
心老夫尙如丹逆胡未滅時多事却爲無才得
少安

東屯呈同遊諸公

十月霜彫楓樹林清溪白石稱幽尋按行老子
誅茆地惆悵孤臣許國心走馬平沙嫌路近傳
盃小閣喜寒侵也思試索梅花笑凍蕊疎疎欲
不禁

別王伯高

冷落何人肯見尋
斷弦塵匣愧知音
傾家釀酒猶嫌少
入海求詩未厭深
薄宦簿書常袞袞
中年光景易駸駸
香奩贈別非無意
笑約跣趺看此心

書驛壁

猿叫舖前雪欲作
鬼門關頭路正惡
泥深三尺馬蹄弱
霜厚一寸客衣薄
朝行過棧莫渡竿
夜

投破驛火煜燿人生
但要無媿怍
萬里竄身元不鎔

又

硤中山多甲天下
萬嶂千峰通一罅
峒民無地習耕稼
射麋捕虎連晝夜
女兒薄命天不借
青燈獨宿江邊舍
黎明賣薪勿悲吒
女生豈有終不嫁

醉中到白崖而歸

醉眼朦朧萬事空今年痛飲灑西東
偶呼快馬迎新月却上輕輿御晚風
行路八千常是客丈夫五十未稱翁
亂山缺處如橫綫遙指孤城翠靄中

十二月十九日晚巫山送客歸回望西寺
小閣縹緲可愛遂與趙郭二教授同遊
抵夜乃還楚鄉偶得長句呈二君

送客沙頭落日催遙看重閣夏同來
清尊與悶都傾盡是日所攜酒俱飲盡
倦馬和詩總勒回顛顛遠遊悲騎省
豪華前事記章臺歸時燈火參差晚
自脫征衣拂帽埃

劍南詩彙卷第二

虞山毛晉宋本校刊 男辰再校 孫綏德又校

劔南詩彙目錄

卷第三

飯三折舖舖在亂山中 小市 酒無獨
飲理 畏虎 戲題 蟠龍瀑布 題梁
王君瑞豐亭 馬上 鄰山縣道上作
鄰水延福寺早行 岳池農家 過廣安
吊張才叔諫議 果州驛 畱樊亭三日
王覺民檢詳日攜酒來飲海棠下比去花

亦衰矣

二首

柳林酒家小樓 南池 唐

長慶中南池新亭碑在漢高帝廟側亭已

失所在矣 聞杜鵬戲作 鼓樓舖醉歌

登慧照寺小閣 春雨 風雨中過龍

洞閣 驛舍海棠已過有感 籌筆驛

嘉川舖遇小雨景物尤奇 老君洞 大

安病酒畱半日王守復來招不往送酒解

醒因小飲江月館 金牛道中遇寒食

曉發金牛 山南行 南鄭馬上作 和

高子長叅議道中

二首

次韻張季長題龍

洞 次韻子長題吳太尉雲山亭 送劉

戒之東歸 周元吉蟠室詩 送范西叔

赴召

二首

寄鄧公壽 簡章德茂 自三

泉泛嘉陵至利州 木瓜舖短歌 夜抵

葭萌惠照寺寓榻小閣 太息

二首

閬中

作二首 遊錦屏山謁少陵祠堂 仙魚

舖得仲高兄書 自閬復還漢中次益昌

驛亭小憩遣興 再過龍洞閣 自笑

三泉驛舍 嘉川舖得檄遂行中夜次

小柏 歸次漢中境上 沔陽夜行 道

中累日不肉食至西縣市中得羊因小酌

初離興元 自興元赴官成都 書事

雨中過臨溪古堠 南沮水道中 長

木晚興 遣興 長木夜行抵金堆市

赴成都泛舟自三泉至益昌謀以明年下

三峽 壬辰十月十三日自閬中還興元

遊三泉龍門十一月二日自興元適成都

復攜兒曹往遊賦詩 予行蜀漢間道出

潭毒關下每憩羅漢院山光軒今復過之

悵然有感 棧路書事 雪晴行益昌道

中頗有春意 息婦引 誌公院在劔門

東五里院東石壁間有若僧負杖者杖端

髣髴有刀尺拂子之狀 劔門道中遇微

雨 劔門關 劔門城北回望劔關諸峯

青入雲漢感蜀亡事慨然有賦 丹芝行

過武連縣北柳池安國院煮泉試日鑄

顧渚茶院有二泉皆甘寒傳云唐僖宗幸

蜀在道不豫至此飲泉而愈賜名報國靈

泉云 三首 宿武連縣驛 初入西州境述

懷 綿州魏成縣驛有羅江東詩云芳草

有情皆礙馬好雲無處不遮樓戲用其韻

卽事 青村寺 行綿州道中 越王

樓 二首 東津 東山 綿州錄叅軍廳觀

姜楚公画鷹少陵爲作詩者 羅江驛翠

望亭讀宋景文公詩 鹿頭關過龐士元

廟 遊漢州西湖 嚴君平卜臺 梅花

拜張忠定公祠二十韻 成都歲暮始

微寒小酌遣興 再賦梅花 登塢 先

主廟次唐貞元中張儼詩韻首三 睡起書

事 西郊尋梅 分韻作梅花詩得東字

宇文子友聞予有西郊尋梅詩以詩借

觀次其韻 海棠 簡南禪勤長老 和

譚德稱送牡丹首二 初到蜀州寄成都諸

友 自蜀州暫還成都奉簡諸公 摩訶

池 三月十七日夜醉中作 嘉祐院觀

壁間文湖州墨竹 春晚書懷首三 偶憶

萬州戲作短歌 驛舍見故屏風画海棠

有感 忠政堂東軒偶題 荔枝樓小酌

首二 嘉陽官舍奇石甚富散棄無領畧者

予始取作假山因名西竺曰小山堂為賦

短歌 望雲樓晚興 護國天王院故神

霄玉清萬壽宮也廢圯畧盡而規模尚極

壯麗過之有感 登荔枝樓 再賦荔枝

樓 能仁院前有石像丈餘蓋作大像時

樣也

劍南詩彙卷第三



飯三折舖舖在亂山中

平生愛山每自歎舉世但覺山可玩皇天憐之
足其願著在荒山更何怨南窮閩粵西蜀漢馬
蹏幾歷天下半山橫水掩路欲斷崔嵬可陟流
可亂春風桃李方漫漫飛棧凌空又奇觀但令
身健能強飯萬里只作遊山看

小市

劍南詩集 卷之三
小市門前沙作堤杏花雖落不霑泥客心尙壯
身先老江水方東我獨西蹇憩軒窗仍汛掃遠
遊書劔亦提攜子規應笑飄零慣故傷茆簷盡
意啼

酒無獨飲理

酒無獨飲理常恨欠佳客忽得我輩人豈計晨
與夕少年事虛名歲月駒過隙自從老大來一
日亦可憺糟丘未易辦小計且千石頽然置萬
事天地爲幕帟人生如刀礪磨盡要有日不須
荷鋪隨況問幾兩屐

畏虎

滑路滑如苔澀路澀若梯屢堪都梁下一雪三
日泥泥深尙云可委身餓虎蹊心寒道上跡魄
碎茆葉低常恐不自免一歎均豬雞老馬亦甚
畏憚憚不敢嘶吾聞虎雖暴未嘗窺汝棲孤行
莫不止取甌非排擠彼讒實有心平地生溝谿

哀哉馬新息薏苡成珠犀

戲題

走馬平欺刺繡坡放船橫截亂絲渦從來倚箇
心平穩遇險方知得力多

蟠龍瀑布

遠望紛珠纓近觀轉雷霆人言水出奇意使行
人驚人驚我何得定非水之情水亦有何情因
物以賦形處高勢趨下豈樂與石爭退之亦隘人
強言不平鳴古來賢達士初亦願躬耕意氣或
感激邂逅成功名

題梁山軍瑞豐亭

我行都梁窘風雪史君喜事能畱客瑞豐亭上
一尊酒渺渺郊原水初白峽中地徧常苦貧政
令愈簡民愈淳本來無事只畏擾擾者才吏非
庸人都梁之民獨無苦須晴得晴雨得雨史君
心愛稼如雲時上斯亭按歌舞歌闌舞罷史君

醉父老羅拜豐年賜聖朝尚實抑虛文縱產芝
房非上瑞

馬上

殘年流轉以萍根馬上傷春易斷魂烘煥花無
經日葢漲淡水過去年痕迷行每問樵夫路投
宿時敲竹寺門不信太平元有象牛羊點點散
煙村

鄰山縣道上作

微雨晴時出驛門亂鷺啼處過江村挽花醉袖
霑餘馥迎日征鞍偕小溫客路一身真吊影故
園萬里欲招魂鬢毛無色心猶壯藉草悲歌對
酒尊

鄰水延福寺早行

化蝶方酣枕聞雞又著鞭亂山徐吐日積水遠
生煙淹泊真衰矣登臨獨惘然桃花應笑客無
酒到愁邊

酒偶盡市
酤不可飲

岳池農家

春深農家耕未足原頭叱叱兩黃犢泥融無塊
水初渾雨細有痕秧正綠綠秧分時風日美時
平未有差科起買花西舍喜成婚持酒東鄰賀
生子誰言農家不入時小姑畫得城中眉一雙
素手無人識空村相喚看縑絲農家農家樂復
樂不比市朝爭奪惡宦遊所得真幾何我已三
年廢東作

過廣安吊張才叔諫議

春風疋馬過孤城欲吊先賢涕已傾許國肺肝
知激烈照人眉宇尙崢嶸中原成敗寧非數後
世忠邪自有評歎息知人真未易流芳遺臭盡
書生

果州驛

驛前官路堠纍纍歎息何時送我歸池館鷺花
春漸老窗扉燈火夜相依孤鸞怯舞愁窺鏡老

馬貪行強受鞿到處風塵常撲面豈惟京洛化
人衣

畱樊亭三日王覺民檢詳日攜酒來飲海
棠下比去花亦衰矣

畱落猶能領物華名園又作醉生涯何妨海內
功名士共賞人間富貴花

又

石衛尉家錦步障移在樊家園館中醉到花殘
呼馬去聊將俠氣壓春風

柳林酒家小樓

桃花如燒酒如油緩轡郊原當出遊微倦放教
成午夢宿醒畱得伴春愁遠途始悟乾坤大晚
節偏驚歲月適記取晴明果州路半天高柳小
青樓

南池

杜詩所謂安知有蒼池萬頃浸坤軸者今已盡廢

二月鶯花滿閬中城南搔首立衰翁數莖白髮

愁無那萬頃蒼池事已空
陂復豈惟民食足渠成終助霸圖雄
眼前碌碌誰知此漫走鼗祠乞

歲豐

池上有漢高帝廟

唐長慶中南池新亭碑在漢高帝廟側亭已失所在矣

池廢新亭亦已無遺碑半滅臥春蕪文章綺靡雖非古今代詞人不辦渠

聞杜鵑戲作絕句

半世羈遊厭路岐憑鞍日日數歸期
勞君樹杪丁寧語似勸飢人食肉糜

鼓樓舖醉歌

書生迫飢寒一飽輕三巴三巴未云已北首趨
襖斜囟囟出門去裘馬不復華短帽障赤日烈
風吹黃沙俶裝先晨雞投鞭後昏鴉壯哉利閭
間崖谷何谿谿地荒多牧卒往往聞蘆笳我行
春未動原野今無花稚子入旅夢挽鬚勸還家

起坐不能寐愁腸如轉車四方丈夫事行矣勿
咨嗟

登慧照寺小閣

少年富貴已悠悠老大功名定有不歲月消磨
闕亭傳山川遼邈弊衣裘殺身有地初非惜報
國無時未免愁局促每思舒望眼雖非吾土強
登樓

春雨

江頭一夜雨曉路無新花我今爲陳人感此重
歎嗟羲和挾兩曜疾走不可遮古今俛仰間那
暇惜物華

風雨中過龍洞閣

飄然醉袖怒人扶箇裏何曾有畏塗卷地黑風
吹慘澹半天朱閣插虛無闌邊歸鶴如爭捷雲
表飛仙定可呼莫怪衰翁心膽壯此身元是一

枯株

驛舍海棠已過有感

淒涼古驛官道傍朱門沈沈春日長
暄妍光景老海棠顛風吹花滿空廊
物生榮頽固其常惜哉無與持一觴
遊蜂戲蝶空自忙豈知美人在西廂
我雖已老猶能狂竚立爲爾悲容光
盛時不遇誠可傷零落逢知夏斷腸

籌筆驛

有武侯祠堂

運籌陳迹故依然想見旌旗駐道邊
一等人間

管城子不堪譙叟作降牋

嘉川鋪遇小雨景物尤奇

一春客路厭風埃小雨山行亦樂哉
危棧巧依青嶂出飛花併下綠巖來
面前雲氣翔孤鳳腳底江聲轉疾雷
堪笑書生輕性命每逢險處夏徘徊

老君洞

有石刻載唐明皇幸蜀見老君於此

丹鳳樓頭語未終崎嶇蜀道復相逢
太清宮闕

俱煨燼豈亦南來避賊鋒

大安病酒畱半日王守復來招不往送酒

解醒因小飲江月館

江驛春醒半日畱夏煩送酒爲扶頭柳花漠漠
嘉陵岸別是天涯一段愁

金牛道中遇寒食

乍換春衫一倍輕況逢寒食十分晴鷲穿驛樹
惺惚語馬過溪橋蹀躞行画柱綵繩喧笑樂豔

粧麗服角鮮明誰知此日金牛道非復當時鐵

馬聲

紹興初虜大入至金牛而遯

曉發金牛

客枕何時穩怒怒又束裝快晴生馬影新暝拆
花房沮水春流綠嶓山曉色蒼阿瞞狼狽地于

古有遺傷

自金牛以西皆
明皇幸蜀路

山南行

我行山南已三日如繩大路東西出平川沃野

望不盡麥隴青青桑鬱鬱地近函秦氣俗豪鞦韆蹴鞠分朋曹首箇連雲馬蹄健楊柳夾道車聲高古來歷歷興亡處舉目山川尚如故將軍壇上冷雲低丞相祠前春日暮國家四紀失中原師出江淮未易吞會看金鼓從天下却用關中作本根

南鄭馬上作

南鄭春殘信馬行通都氣象尚崢嶸迷空遊絮

憑陵去曳綫飛鳶跋扈鳴落日斷雲唐闕廢德宗

詔山南比兩京

淡煙芳草漢壇平

近郊有韓信拜大將壇

猶嫌未

豁曾中氣日斷南山天際橫

城中望見長安南山

和高子長參議道中二絕

梁州四月晚鷺啼芙蓉憶扁舟罨畫谿莫作世間

兒女態明年萬里駐安西

又

豐年食少厭兒啼覓得微官落五谿大似無家

老禪衲打包還度棧雲西

次韻張季長題龍洞

我嘗謁紫皇翳鳳驂虬龍俯不見塵世浩浩萬
里空謫墮尚遠遊忽到真始封西望接蜀道北
顧連秦中壯哉形勝區有此蜿蜒宮雷霆自鞿
鞞環玦亦瓊瓏石屋如建章萬戶交相通來者
各有得盡取知無從憑高三歎息自古幾英雄
老我文字衰揮毫看諸公

次韻子長題吳太尉雲山亭

參謀健筆落縱橫太尉清罇賞快晴文雅風流
雖可愛關中遺虜要人平

送劉戒之東歸

去國三年恨未平東城況復送君行難憑魂夢
尋言笑空向除書見姓名殘日半竿斜谷路西
風萬里玉關情蘭臺粉署朝回晚肯記麤官數
寄聲

周元吉蟠室詩

天下有廣居非阿房建章賓餞日及月闔闔陰
與陽山川坦然平何者爲藩牆孔公暨瞿聃同
坐此道場哀哉世日隘肝膽分界疆感縮戰蝸
角崎嶇走牟腸周先早得道所證非復常小室
古城隅宛如野僧房能容人天衆雜沓來燒香
三萬二千人各據獅子牀實際正如此切忌錯
商量須彌芥子話今夕當舉揚

送范西叔赴召

天涯流落過重陽楓葉搖丹已著霜衰病強陪
蓮幕客淒涼又送石渠郎杜陵雁下悲徂歲笠
澤魚肥夢故鄉僂恐從今長隔濶舊交新貴例
相忘

又

欲駕征車勸小畱南山南畔更逢秋數聲過雁
催行色一酸昏燈話別愁自咎文章關治道卽

今臺閣要名流白頭尚作書癡在賸乞朱黃與
校讐

寄鄧公壽

高標瑤樹與瓊林靈府清寒出苦吟海內十年
求識面江邊一見卽論心紛紛俗子常成市
壘微言孰賞音聞道南池梅最早要君攜手試
同尋

簡章德茂

殊方邂逅豈無緣世事多乖復悵然造物無情
吾輩老古人不死此心傳冷雲黯黯朝橫棧紅
葉蕭蕭夜滿船箇裏約君同著句不應輸與灞
橋邊

自三泉泛嘉陵至利州

日日遭途處處詩書生活計絕堪悲江雲垂地
灘風急一似前年上碛時

木瓜舖短歌

鼓樓坡前木瓜舖歲晚悲辛利州路當車礪礪
石如屋百里夷途無十步溪橋缺斷水齧沙崖
腹崩頽風拔樹虎狼妥尾擇肉食狐狸豎毛啼
日莫冢丘短草聲窸窣往往精靈與人遇我生
胡爲忽在此正坐一飢忘百慮五夏出門寒裂
面半夜燎衣泥滿袴妻孥八月離夔州寄書未
到今何處餘年有幾百憂集日夜朱顏不如故
卽今臺省盛諸賢細思寧是儒冠誤

夜抵葭萌惠照寺寓榻小閣

亭驛驅馳髀肉消故山歸夢愈迢迢夜行觸尉
那能避旦過隨僧不待招雨後風雲猶慘澹霜
前草木已蕭條衰遲事事非平日醉裏題詩亦
復聊

太息

宿青山
舖作

太息重太息吾行無終極冰霜迫殘歲鳥獸號
落日秋砧滿孤村枯葉擁破驛白頭鄉萬里墮

此虎豹宅道邊新食人膏血染草棘平生鐵石
心忘家思報國卽今冒九死家國兩無益中原
久喪亂志士淚橫臆切勿輕書生上馬能擊賊

又

淒淒復淒淒山路窮攀躋僕病臥草間馬困聲
酸嘶脫兔截道犇窮狃上樹啼崩湍一何哀下
落萬仞谿昏黑投孤戍洗我衣上泥下愚不可
遷大惑終身迷仕宦十五年曾不飽糠粃客路

少睡眠月白聞號雞欲行且復止虎來非葉低

閩中作

殘年作客遍天涯下馬長亭便似家三疊淒涼
渭城曲數枝閑澹閩中花襞牋授管相逢晚理
鬢熏衣一笑譁俱是邯鄲枕中夢墜鞭不用憶
京華

又

挽住征衣爲濯塵閩州叁釀絕芳醇鷺花舊識

非生客山水曾遊是故人
遨樂無時冠巴蜀語音漸
正帶咸秦平生贖有尋梅
債作意城南看小春

遊錦屏山謁少陵祠堂

城中飛閣連危亭處處軒
窗臨錦屏涉江親到錦屏
上却望城郭如丹青虛堂
奉祠子杜子眉宇高寒照
江水古來磨滅知幾人此
老至今元不死山川寂寞
客子迷草木搖落壯士悲
文章

坐世自一事忠義凜凜令
人息夜歸沙頭雨如注北
風吹船橫半渡亦知此老
憤未平萬竅爭號泄悲怒

仙魚舖得仲高兄書

病酒今朝載臥輿秋雲漠
漠雨疎疎閬州城北仙魚
舖忽得山陰萬里書

自閬復還漢中次益昌

北首褒斜又幾程驕雲未
放十分晴馬經斷棧

危無路風掠枯茆颯有聲季子貂裘端已弊吳
中菰菜正堪烹朱顏漸改功名晚擊筑悲歌一
再行

驛亭小憩遣興

淡日微雲共陸離曲闌危棧出參差老松臨道
闊千載杜宇號山連四時漢水東流那有極秦
關北望不勝悲郵亭下馬開孤劔老大功名頗
自期

再過龍洞閣

天險龍門道霜清客子遊一筇緣絕壁萬仞俯
洪流著脚初疑夢回頭始欲愁危身無補國忠
孝兩堪羞

自笑

自笑謀生事事疎年來錐與地俱無平章春韭
秋菘味拆補天吳紫鳳圖食肉定知無骨相珥
貂空自誑頭顱惟餘數卷殘書在破篋蕭然笑

獠奴

三泉驛舍

殘鐘斷角度黃昏小驛孤燈早閉門
霜氣峭深摧草木風聲浩蕩卷郊原
故山有約頻回首末路無歸易斷魂
短鬢蕭蕭不禁白強排幽恨近

清川

嘉川舖得檄遂行中夜次小柏

黃旗傳檄趣歸程急服單裝破夜行
蕭蕭霜飛當十月離離斗轉欲三更
酒消頓覺衣裘薄驛近先看炬火迎
渭水函關元不遠著鞭無日涕空橫

歸次漢中境上

雲棧屏山閱月遊馬蹄初喜蹋梁州
地連秦雍川原壯水下荆楊日夜流
遺虜孱孱寧遠谷孤臣耿耿獨私憂
良時恐作他年恨大散關頭又一秋

汧陽夜行

夜發汧陽驛坡陁岡阜重月斜欹帽影霜重溼
裘茸野岸鳴枯葉煙林度曉鐘梁州明日到一
笑解衰容

道中累日不肉食至西縣市中得羊因小酌

門外倚車轆頽然就醉昏棧餘羊絕美壓近酒
微渾一洗窮邊恨重招去國魂客中無晤語燈
燼爲誰繁

初離興元

夢裏何曾有去來高城無奈角聲哀連林秋葉
吹初盡滿路寒泥蹋欲開笠澤決歸猶小憩錦
城未到莫輕回炊菰斫膾明年事却憶斯遊亦
壯哉

自興元赴官成都

平生無遠謀一飽百念已造物戲飢之聊遣行

萬里梁州在何處飛蓬起孤壘憑高望杜陵煙
樹略可指今朝忽夢破跋馬臨漾水此生均是
客處處皆可死劍南亦何好小憩聊爾爾舟車
有通塗吾行良未止

書事

生長江湖狎釣船跨鞍塞上亦前緣雲埋廢苑
呼鷹處雪暗荒郊射虎天醪酒芳醇偏易醉胡
羊肥美了無羶揚州雖有東歸日閉置車中定

悵然

雨中過臨溪古堠

道邊相送驛邊迎水隔山遮似有情歲晚無聊
莫相笑君方雨立我泥行

南沮水道中

磴舍臨湍瀨罾船聚小潭山形寒漸瘦雪意暮
方酣久客情懷惡頻來道路諳家山空悵望無
夢到江南

長木晚興

沮水嶓山名古今聊將行役當登臨
斷橋煙雨梅花瘦絕礧風霜柳葉深
末路清愁常袞袞殘冬急景易駸駸
故巢東望知何處空羨歸鴉解滿林

遣興

貂裘破弊色淒涼塞上歸來路更長
老驥嘶鳴常伏櫪寒龜藏縮正支牀
彫零客路新霜鬢掃灑先師舊草堂
九折阪頭休絕歎世間何地不羊腸

長木夜行抵金堆市

夜行長木村重霧雜零雨溼螢粘野蔓
寒犬吠雲塢道壞交細泉亭廢立遺堵
時時過農家燈火照鳴杼嗟予獨何事
無歲得安處卽今窮谷中性命寄豺虎
三夏投小市買酒慰羈旅高詠東山詩
悵望懷往古

赴成都泛舟自三泉至益昌謀以明年下

三峽

詩酒清狂二十年又摩病眼看西川心如老驥
常千里身似春蠶已再眠暮雪烏奴停醉帽秋
風白帝放歸船飄零自是關天命鎔被人呼作
地仙

壬辰十月十三日自閬中還興元遊三泉
龍門十一月二日自興元適成都復攜兒

曹往遊賦詩

勝地憺輕別短筇成後遊門呀一境異木落四
山秋野鴿翔深竇蟠蛟擅古湫棧危縈峭壁橋
迴跨犇流白雨穿林至腥風卷地浮真成起衰
病不但洗孤愁登陟知難再吟哦爲小畱回頭
卽萬里雪滿戴谿舟

予行蜀漢間道出潭毒關下每憩羅漢院
山光軒今復過之悵然有感

山光軒上幾閑遊
潭毒關前又小留
麥隴雪苗寒剡剡
柘林風葉算颼颼
馬行劔閣從今始
門泊吳船亦已謀
醉眼每嫌天地迮
盡將萬里著吾愁

棧路書事

危閣聞鈴馱湍流見磴船
汲江人負益騎馬客
蒙瓊梨美來秦地
橙香接楚天癡頑殊耐事
隨處一欣然

雪晴行益昌道中頗有春意

杜陵雁下歲將殘
疋馬西游雪擁關
顛顛敢忘雙闕路
淹遲遍看兩川山
春回柳眼梅鬚裏
愁在鞭絲帽影間
安得黃金成大藥
爲八千載駐顏顏

息歸引

善泅不如穩
檣舟善騎不如謹
持轡妙於服食
不如寡欲工於揣摩
不如省事在天有命誰得

逃在我無求直差易散人家風脫糾纏煙蓑雨笠全其天蕝絲老盡歸不得但坐長飢須俸錢此身不堪阿堵役寧待秋風始投檄山林聊復取熊掌仕宦真當棄雞肋錦城小憩不淹遲卽是輕舸下碇時那用夏爲麟閣夢從今正有鹿門期

誌公院在劔門東五里院東石壁間有若僧負杖者杖端髣髴有刀尺拂子之狀

江東爭奪纏妖祲哀哉斯民亂方甚錦幪老人蓋古佛現身爲作大慈蔭蕭翁八十尚兒癡旛蓋鍾螺鬧中禁當時此老默笑渠大法棟梁身獨任杖頭示人三轉語開口喪身如飲鴆紛紛放弒但可憐何曾爲汝陳符讖

劔門道中遇微雨

衣上征塵雜酒痕遠遊無處不消魂此身合是詩人未細雨騎驢入劔門

劍門關

劍門天設險北鄉控函秦客主固殊勢存亡終
在人棧雲寒欲雨關柳暗知春羈客坐坐老憑
高一愴神

劍門城北回望劍關諸峯青入雲漢感蜀
亡事慨然有賦

自管英雄有屈信危機變化亦逡巡陰平窮寇
非難禦如此江山坐付人

丹芝行

劍山峨峨插穹蒼千林萬谷蟠其陽大丹九轉
古所藏靈芝三秀夜吐光如火非火森有芒朝
陽欲升尚煌煌何由斲取換肝腸往駕素虬朝
紫皇

過武連縣北柳池安國院煮泉試日鑄顧
渚茶院有二泉皆甘寒傳云唐僖宗幸蜀
在道不豫至此飲泉而愈賜名報國靈泉

云

滴瀝珠璣翠壁間
遭時曾得奉龍顏
欄傾甃缺無人管
滿院松風晝掩關

又

行殿淒涼迹已陳
至今父老記南巡
一泓寒碧無今古
付與閑人作主人

又

我是江南桑苧家
汲泉閑品故園茶
只應碧缶

蒼鷹爪可壓紅囊白雪芽

日鑄貯以小餅蠟紙丹印卦之顧渚貯以

紅藍綠囊皆有歲貢

宿武連縣驛

平日功名浪自期
頭顱到此不難知
宦情薄似秋蟬翼
鄉思多於春繭絲
野店風霜俶裝早
縣橋燈火下程遲
鞭寒熨手戎衣窄
忽憶南山射虎時

初入西州境述懷

初南詩集

卷之三

及古園

我無飛仙術御氣周八極寸步常依人
躋哉萬里役自行劔關南大道平如席
日高徐駕車薄暮亦兩驛及茲山愈遠
原野若加闢茂樹冬不凋寒花晚猶拆
管我上遠遊至蜀龜輒食馳裝有定處
嗚呼豈人力頗傳岷山下清淑無癘疫
士風尚豪舉意氣喜遠客薪米家可求
偕書亦易得息吳雖不忘所願少休息
吾聞古達人雅志在山澤豈無及物心
但恨俗褊迫攬德雖成畱引去常勇決
駭機滿人間著腳無上策

綿州魏成縣驛有羅江東詩云芳草有情
皆礙馬好雲無處不遮樓戲用其韻

老夫夔興忽西遊遠跨秦吳萬里秋
尊酒登臨遍山寺歌辭散落滿江樓
孤城木葉蕭蕭下古驛灘聲澌澌流
未許詩人誇此地茂林脩竹憶吾州

卽事

渭水岐山不出兵，却攜琴劍錦官城。
醉來身外窮通小，老去人間毀譽輕。
捫蝨雄豪空自許，屠龍工巧竟何成。
雅聞嶮下多區芋，聊試寒爐玉糝羹。

青村寺

十年淹泊望修門，臨水登山幾斷魂。
短鬢星星身欲老，小樓微月宿青村。

行綿州道中

三年客江碛，萬死脫魚鼃。
平地從今始，窮塗敢復論。
園畦棋局整，坡壠海濤翻。
瘦犢應多恨，泥塗伏短轅。

越王樓

上盡江邊百尺樓，倚欄極目算江秋。
未甘便作衰翁在，兩脚猶堪蹋九州。

又

蒲萄酒綠似江流，夜燕唐家帝子樓。
約住箎絃

呼羯鼓要渠打散醉中愁

東津

歲暮涪江水歸壑白沙渺然石犖角蜀天常燠
少雪霜綠樹青林不搖落闌干詰曲臨官道煙
靄參差望城郭打魚斫膾修故事豪竹哀絲奉
歡樂樂莫樂於新相知美人一笑回春姿四方
本是丈夫事安用一生無別離

東山

今日之集何佳哉入關劇飲始此回登山正可
小天下跨海何用尋蓬萊青天肯爲陸子見妍
日似趣梅花開有酒如涪綠可愛一醉直欲空
千疊駝酥鵝黃出隴右熊肪玉白黔南來眼花
耳熱不知夜但見銀燭高花摧京華故人死太
半歡極往往潛生哀聊將豪縱壓憂患鼓吹動
地聲如雷

綿州錄參一廳觀姜楚公畫鷹少陵爲作

詩者

我來訪古涪之濱不辭百罔冀一真走馬朝尋
海樓館斫膾夜醉魴魚津越王高樓亦已換俯
仰今古堪悲辛督郵官舍最早陋棟撓楹腐知
幾春歸然此壁獨亡恙老槎勁翮完如新向來
劫火何自免叱呵守護疑有神妖狐九尾穴中
國芙蓉置不問如越秦天時此物合致用下韞指
呼端在人會當原野灑毛血坐令萬里清煙塵
老眼還憂不及見詩成肝膽空輪囷

羅江驛翠望亭讀宋景文公詩

撲馬征塵拂不開高亭欹帽一徘徊蜀山地曠
稀逢雪閨歲春遲未見梅陂水近人無鷺下煙
林藏寺有鐘來宋公出牧曾題壁錦段雖殘試
剪裁

鹿頭關過龐士元廟

士元歿千載淒惻過遺祠海內常難合天心豈

易知英雄今古恨父老歲時息蒼蘚無情極秋
來滿斷碑

遊漢州西湖

房公一跌鼓衆毀八年漢州爲刺史遶城鑿湖
一百頃島嶼曲折三四里小菴靜院穿竹入危
榭飛樓壓城起空濛煙雨媚松楠顛倒風霜老
葭葦日月苦長身苦閑萬事不理看湖水向來
愛琴雖一癖觀過自足知夫子画船載酒凌湖

光想公樂飲千萬場歎息風流今未泯兩川名

醞避鵝黃

鵝黃漢中酒名
蜀中無能及者

嚴君平卜臺

先生久已蛻氛埃道上猶傳舊卜臺乞得寒泉

濯肝肺真成萬里不虛來

臺後有大井名通仙
井相傳君平所浚

梅花

家是江南友是蘭水邊月底怯新寒画圖省識
驚春早玉笛孤吹怨夜殘冷淡合教閑處著清

臞難遣俗人看相逢剗作樽前恨索笑情懷老
漸闌

拜張忠定公祠二十韻

張公世外人與蜀偶有緣天將靖蜀亂生公在
人間厥初大盜興樂禍迭相挺天子輟玉食貴
臣擁戎旃生殺出喜怒死者常差肩公曰此何
哉從之吾欺天河流觸地軸砥柱屹不遷脅從
盡縱捨飛章交帝前上意竟開悟至仁勝兇殘

貴臣不極賞追還黜其權安危關社稷豈惟蜀
民全後來有阿童握兵事開邊晚策睦州功上
公珥金蟬勢張不可禦北鄉挑幽燕神京遂丘
墟迄今天步艱時無忠定公孰能折其奸我來
拜遺祠喬木含蒼煙死者不可作愀然哀涕潛
憤切感虜旤慷慨思公賢春秋送迎神誰爲歌
此篇

成都歲暮始微寒小酌遣興

革帶頻移紗帽寬
茶鐺欲熟篆香殘
疎梅已報先春信
小雨初成十月寒
身似野僧猶有髮
門如村舍強名官
鼠肝蟲臂元無擇
遇酒猶能罄一歡

再賦梅花

老來愛酒賸狂顛
況復梅花到眼邊
不怕幽香妨靜觀
正須疎影伴癯仙
松筠共歎冰霜晚
桃李從教雨露偏
此去西湖八千里
破愁一笑得

無緣

登壇

冷官無一事
日日得閑遊
壯哉千尺壇
攝衣上頭
眼力老未減
足疾新有瘳
幸茲濟勝具
俯仰隘九州
雪山西北橫
大江東南流
画棟雲氣涌
鐵鐸風聲適
旅懷忽惻愴
涕下不能收
十年辭象魏
萬里懷松楸
仰視去天咫
絕叫當聞不
帝閭守虎豹
此計終悠悠

先王廟次唐貞元中張儼詩韻

猶賊挾至尊天命矜在己豈知高帝業煌煌漢
中起

又

吳蜀本脣齒悲哉乃連兵盡銳下三硤誰使復
兩京

又

洛陽化爲灰棘生銅駝陌討賊志不成父老泣

陵栢

廟在惠陵側

睡起書事

京華豪飲釂千鍾濯錦江邊怯酒濃烈士壯心
雖未減狂奴故態有誰容折梅著句聊排悶閉
戶焚香剝放慵午枕如雷君莫怪西風吹夢過
吳松

西郊尋梅

西郊梅花矜絕豔走馬獨來看不厭似羞流落

蒙市塵寧墮荒寒傍茆店翛然自是世外人過
去生中差一念淺顰常鄙桃李學獨立不容鷲
蝶覘山礬水仙晚角出大是春秋吳楚僭餘花
豈無好顏色病在一俗無由砭朱欄玉砌渠有
命斷橋流水君何欠嗟余相與頗同調身客劔
南家在剡淒涼萬里歸無日蕭颯二毛衰有漸
尚能作意晚相從爛醉不辭盃漱澀

分韻作梅花詩得東字

淺寒籬落清霜後疎影池塘淡月中北客同春
俱稅駕南枝與我兩飄蓬從來遇酒千鍾少此
外評花四海空惟恨廣平風味減坐看徐庾擅
江東

宇文子友聞予有西郊尋梅詩以詩借觀
次其韻

拾遺遺跡付緇郎槁葉凝塵欲滿堂已恨蹲巖
孤勝踐夏堪風雨病幽芳蘭蓀千古有同調蜂

蝶一春空自忙馬上得詩歸絕歎故園三徑久
成荒

海棠

范希元園

誰道名花獨故宮

謂故蜀燕王宮

東城盛麗足爭雄橫

陳錦障闌干外盡吸紅雲酒醜中貪看不辭持

夜燭倚狂直欲擅春風拾遺舊詠悲零落瘦損

腰圍擬未工

老杜不應無海棠詩意其失傳爾

簡南禪勤長老

宦遊處處是君恩歸去無期莫更論眼正修行
新有力心空憂患已無根鉢盂分我雲堂飯打
杖敲君竹院門屈宋向來堪一笑故鄉何戀更
招魂

和譚德稱送牡丹

洛陽春色擅中州檀暈鞞紅總勝流顛顛劍南
人不管問渠情味似儂不

又

吾生何拙亦何工憂患如山一笑空猶有餘情
被花惱醉搔華髮倚屏風

初到蜀州寄成都諸友

流落天涯鬢欲絲年來用短始能奇無材藉作
長閑地有懣畱爲劇飲資萬里不通京洛夢一
春最負牡丹時襏屨報與諸公道罨畫亭邊第
一詩

自蜀州暫還成都奉簡諸公

不染元規一點塵行歌偶到錦江濱淋漓詩酒
無虛日判斷鬢花又過春客路柳陰初墮絮還
家梅子欲生仁更須作意勤相過要信年光屬
散人

摩訶池

摩訶古池苑一過一消魂春水生新漲煙蕪沒
舊痕年光走車轂人事轉萍根猶有宮梁燕銜

泥入水門

蜀宮中舊泛舟入此池曲折十餘里
今府後門雖已爲平陸然猶號水門

三月十七日夜醉中作

前年膾鯨東海上白浪如山寄豪壯去年射虎
南山秋夜歸急雪滿貂裘今年摧頹最堪笑
髮蒼顏羞自照誰知得酒尚能狂脫帽向人時
大叫逆胡未滅心未平孤劔床頭鏗有聲破驛
夢回燈欲死打窗風雨正三更

嘉祐院觀壁間文湖州墨竹

石室先生筆有神我來拂拭一酸辛敗牆慘澹

欲無色老氣森嚴猶逼人慣閱冰霜元耐久恥
隨兒女更爭春紛紛可笑空摹擬爾輩毫端萬
斛塵

春晚書懷

吹盡郊原萬點紅燕梁考室亦忽忽老來偏覺
歲華速客裏忽驚春事空病有藥方傳肘後嬾
無詩句付囊中歸心日夜隨江水只欲東門覓

短篷

入吳者皆自
小東郭登舟

又

經春淹泊錦官城作箇歸期苦未成老向軒裳
增力量病於風月減心情官閑有味緣高臥酒
貴無憂爲細傾憶探梅花如昨日西竺榆莢與
階平

又

老客天涯心尚孩惜春直欲挽春回長繩縱繫
斜陽住右手難移故國來暑近蚊雷先隱轡雨
前螿埜正崔嵬茹芝却粒終無術萬事惟須付
一盃

偶憶萬州戲作短歌

峽中天下最窮處萬州蕭條誰肯顧去年正月
偶過之曾爲巴人三日住南浦尋梅雪滿舟西
山載酒雲生屨至今夢聽竹枝聲燈火紛紛驛
前路殘春猶客蜀江邊陳迹回思一愴然漸老
定知歡漸少明年還復憶今年

驛舍見故屏風画海棠有感

厭煩只欲長面壁此心安得頑如石杜門復出
歎習氣止酒還開慙定力成都二月海棠開錦
繡裏城迷巷陌燕宮最盛號花海霸國雄豪有
遺迹猩紅鸚綠極天巧疊萼重跗眩朝日繁華
一夢忽吹散閉眼細思猶歷歷憂樂相尋豈易
知故人應記醉中詩夜闌風雨嘉州驛愁向屏
風見折枝

息政堂東軒偶題

羈愁酒病兩無聊小篆吹香已半消喚起十年
閩嶺夢蘋桐花畔見紅蕉

蘋桐嘉州謂
之百日紅

荔枝樓小酌

碧瓦朱欄已半摧強呼歌舞試樽罍邦人莫訝
心情嬾新出鬢花海裏來

又

病與愁兼怯酒船已歌聞罷更悽然此身未死

長爲客回首夔州又二年

嘉陽官舍奇石甚富散棄無領畧者予始
取作假山因名西叅曰小山堂爲賦短歌
管人何人愛巖壑爲山未成儲犖确散落支床
壓酒槽大或專車小拳握幽人邂逅爲絕歎脩
綆趣取寒泉濯峭峯幽竇相吐吞翠嶺丹崖渺
聯絡石不能言意可解問我胡爲憐寂寞人間
興廢自有數管棄何傷今豈樂斯言妙矣子則

陋敢對石友辭爵爵爲君寬作十日畱在眼優
同真著腳

望雲樓晚興

小閣東南獨詠詩此生終與世差池夕陽明處
蒼煙合棲燕歸時画角悲人與江山均是夢心
非風月尙誰知舊交幾歲音塵隔三撫闌干有
所息

護國天王院故神霄玉清萬壽宮也廢圯

略盡而規模尚極壯麗過之有感

太霄帝君神霄府一日璽書行海寓築宮犇走
誰敢後萬牛挽材山作礎步虛夜半落雲間玉
磬濛濛鸞鶴舞帝師丞相領使名侍晨校籍紛
如雨洛陽臨淮小睥睨御史立奏投裔土從來
桑門喜嘲競舉國冠巾噤無語古傳東海會揚
塵君看此地亦荆榛霓旌仙仗空遺堵甃缺臺
傾知幾春牧兒驅牛齧庭草誰記劔佩來朝真
斜陽却上筍輿去溝水泠泠愁殺人

登荔枝樓

平羗江水接天流涼入簾櫳已似秋喚作主人
元是客知非吾土強登樓閑憑曲檻常忘去欲
下危梯更小畱公事無多厨釀美此身不負負

嘉州

薛能詩不負嘉州只負身

再賦荔枝樓

只道文書撥不開未妨高處獨徘徊山橫瓦屋

披雲出水自牂牁裂地來
冥入簾陰吹細雨涼
生樓角轉輕雷癡頑也
擬忘鄉國不奈城頭暮
角哀

能仁院前有石像丈餘蓋作大像時樣也
江閣欲開千尺像雲龕先定此規模斜陽徙倚
空三歎嘗試成功自古無

劍南詩彙卷第三

虞山毛晉宋本校刊

劔南詩彙目錄

卷第四

謁凌雲大像 凌雲醉歸作 獨遊城西

諸僧舍 西林院 聽事前紫薇花二本

甚盛戲題絕句 同何元立蔡肩吾至東

丁院汲泉煮茶首二 癸巳夏旁郡多苦旱

惟漢嘉數得雨然未足也立秋夜三鼓雨

至明日晡後未止高下霑足喜而有賦首二

晚登望雲首二 立秋後十日風雨淒冷

獨居有感 晦日西窗懷故山 秋日懷

東湖首二 小山之南作曲欄石磴繚繞如

棧道戲作二篇 得成都諸友書勸少畱

嘉陽戲作 道院 醉中感懷 玻璆江

首一 夜思 雨夜懷唐安 迎詔書 秋

夜遣懷 送客至江上 雨中至西林寺

休日登花將軍廟小樓 深居 秋夜

獨醉戲題 感事 醉鄉 夜讀岑嘉州

詩集 次韻師伯渾見寄 社前一夕未

昏輒寢中夜乃得寐 晚雨 社日 立

秋後十日風雨淒冷獨居有感 晦日西

窗懷故山 秋日懷東湖 夜雨感懷

八月二十二日嘉州大閱 九月六夜夢

中作笑詩覺而忘之明日戲追補首一 重

九會飲萬景樓 久客書懷 初報嘉陽

除官還東湖有期喜而有作 聞勾龍司

戶會客山亭送酒殽及橄欖并簡諸同僚

九月十六日夜夢駐軍河外遣使招降

諸城覺而有作 何元立示九日詩臥病

累日乃能次韻 成都行 聞虜亂有感

醉歌 初寒 木山 寒夜遣懷 嘉

陽絕無木犀偶得一枝戲作 雨後登西

樓獨酌 喜晴 曉出城東 寶劍吟

十月一日浮橋成以故事宴客凌雲 聞

王嘉叟計報有作 出城至呂公亭按視

修堤 登樓 醉中作 四首 觀大散關圖

有感 嘉州守宅舊無後圃因農事之隙

爲種花築亭觀甫成而歸戲作長句 連

日扶病領客殆不能支枕上懷故山偶成

余往與宇文未介同客山南今年未介

客歿臨安十月十一日夜忽夢相從取架

上書英讀如平生讀未竟忽辭去畱之不
可曰欲歸按藥方既覺泫然不能已因賦
此詩 金鎔刀行 言懷 十月十九日
與客飲忽記去年自錦屏歸山南道中小
獵今又將去此矣 冬日 十月十四夜
月終夜如晝 下元日五夏詣天慶觀竇
林寺 梅花首四 西園 胡無人 公無
渡河 長門怨 長信宮詞 銅雀妓

得韓無咎皆寄使虜時宴東都驛中所作
小閨 曉坐 斷碑歎 夜行至平羗憩
大悲院 迂益帥馬上作 蜀酒歌 十
一月八日夜燈下對梅花獨酌累日勞甚
頗自慰也 醉後草書歌詩戲作 古藤
杖歌 歲晚書懷 累日倦甚不能觴客
睡起戲作 種花 雨中登樓望大像
迎赦呈王志夫李德孺師伯渾 冬日

雨中睡起 十二月初一日得梅一枝絕

奇戲作長句 無題 快晴 獨坐 十

二月十一日視築隄 題龍鶴菜帖 春

愁曲 荀秀才送蠟梅十枝奇甚 離嘉

州宿平羗 瑞草橋道中作 遊修覺寺

晚步湖上 暮春 池上醉歌 四月

五夜見螢 塞上曲 夜聞塙鈴及泉聲

劍南詩彙目錄

卷四終

劍南詩彙卷第四

謁凌雲大像

出郭幽尋一笑新徑呼艇子截煙津不辭疾步

登重閣聊欲今生識偉人泉鏡正涵螺髻綠浪

花不犯寶趺塵一泉泓然正在髻下每始知神

力無窮盡丈六黃金果小身觀無量壽經云或現小身丈六八尺

凌雲醉歸作

我嶂月入平羗水歎息吾行俄至此謫仙一去

五百年至今醉魂呼不起玻璃春滿琉璃鍾

玻璃

春眉州酒名

宦情若薄酒興濃飲如長鯨渴赴海詩

成放筆千觴空十年看盡人間事更覺麴生偏

有味君不見蒲萄一斗換得西涼州不如將軍

告身僕一醉

獨遊城西諸僧舍

我是天公度外人看山看水自由身薛崖直上

飛雙屐雲洞前頭岸幅巾萬里欲呼牛渚月一

生不受庾公塵非無好客堪招喚獨往飄然覺

更真

西林院

一邦盡對江邊像試比西林總不如院門對大像最正

羣玉蕭森開士宅五雲飛動相君書寺額五字唐相裴微

書適美可愛磴危漸覺山爭出屐響方驚閣半虛安

得棄官長住此一盃香飯薦珍蔬

聽事前紫薇花二本甚盛戲題絕句

紅藥紫薇西省春從來惟慣對詞臣問囚自是
麓官分無奈名花解笑人

同何元立蔡肩吾至東丁院汲泉煮茶

一州佳處盡裴回惟有東丁院未來身是江南
老桑苧諸君小住莫茶盃

又

雪芽近自我嶂得不減紅囊顧渚春旋置風爐
清樾下它年奇事記三人

癸巳夏旁郡多苦旱惟漢嘉數得雨然未
足也立秋夜三鼓雨至明日晡後未止高
下霑足喜而有賦

画簷鳴雨早秋天不喜新涼喜有年眼裏香秔
三萬頃寄聲父老其欣然

又

五十衰翁髮半華猶能把酒醉天涯絲毫美政
何曾有惟把豐年贈漢嘉

晚登望雲

一出修門又十年
輩流多已珥金墀
衰如蠹葉
秋先覺愁似鰥魚
夜不眠輦路疎槐
迎駕處苑
城殘日泛湖天
君恩未報身今老
徙倚危樓一
泫然

又

晚來煙雨暗江干
烽火遙傳画角殘
看鏡功名
空自許上樓懷抱
若爲寬青楓搖落
新秋令白
髮淒涼舊史官
飽見少年輕宿士
可憐隨處強
追歡

立秋後十日風雨淒冷獨居有感

急雨鳴瓦溝
尖風入窗罅
紗籠耿青燈
寂寂新
秋夜誰言簿領中
乃復有此暇
稍繙書冊讀已
念灰火跨那知
是羈客恍若在家
舍睡晚且熟
眠洗沐官有假

明日晦日也

晦日西窗懷故山

今朝休日仍無客
茶罷西窗臥解衣
白髮已侵殘夢境
綠苔應滿舊漁磯
桃源雞犬塵凡隔
杜曲桑麻夢想歸
賴有小山聊慰眼
幽篁叢桂雨霏霏

秋日懷東湖

小閣東頭罨畫池
秋來長是憶幽期
身如巢燕臨歸日
心似堂僧欲動時
病思羈懷惟付酒
西風落日更催詩
故知歲算常多感
不獨當年宋

玉悲

又

罨畫池邊小釣磯
坐竿幾度到斜暉
青蘋葉動知魚過
朱閣簾開看燕歸
歲晚官身空自閔
途窮世事巧相違
邊州客少巴歌陋
誰與愁城略解圍

小山之南作曲欄
石磴繚繞如棧道
戲作

二篇

羈遊隨處得哦詩掃漑軒窗每恨遲已幻小山
寬客恨更添危磴作兒嬉偶畱塞上寧無數徑
返湖邊已有期誰遣化工娛此老幽花微拆綠
苔滋

又

吏退庭空剩得閑一窗如在翠微間半崖紫棧
遊秦路疊嶂生雲入剡山真有巖居臨絕壑但
無漁艇繫寒灣躋攀自苦君休笑寸步何曾不

險巖

得成都諸友書勸少畱嘉陽戲作

一坐五十日癡頑良可哀新涼爲醉地少訟作
慵媒市柳風煙慘汀蘋歲月催遠官從漫浪垂
老嬾低回

市柳汀蘋
皆屬唐安

道院

四壁長苔痕經旬掩綠樽雨聲清夢境燈影伴
吟魂搖落悲徂歲漂流憶故園擬騷無傑語千

古愧湘沅

醉中感懷

早歲君王記姓名只今顛顛客邊城青衫猶是
 鵝行舊白髮新從劔外生古戍旌旗秋慘淡高
 城刁斗夜分明壯心未許全消盡醉聽檀槽出
 塞聲

玻瓈江

眉州芙蓉亭蓋取東坡芙蓉飲玻瓈江之句追懷舊遊戲作以補西州

樂府

玻瓈江水千尺深不如江上離人心君行未過
 青衣縣妾心先到峨眉陰金樽芙蓉不知曉月
 落煙渚天橫參車輪無角那得住馬蹄不方何
 處尋空憑尺素寄幽恨縱有綠綺誰知音愁來
 只欲掩屏睡無奈夢斷聞疎碓

角唐人詩云長安塵土中馬蹄圓重重郎馬蹄不方何處認郎蹤

古樂府安得雙車輪一夜生四

夜思

蒼顏華鬢久低摧歎息何堪歲月催殘暑已隨

初月詩集

卷之四

及古月

團扇去新涼還傍短檠來月痕澹澹侵苔砌雲
葉蕭蕭覆水臺簿領沈迷無日了試憑詩息洗
氛埃

雨夜懷唐安

歸心日夜逆江流官柳三千憶蜀州小閣簾櫳
頻夢蝶平湖煙水已盟鷗螢依溼草同爲旅雨
滴空階別是愁堪笑邦人不解事區區猶借陸

君畱

蜀人舊語謂唐安有三千官柳四千琵琶溼螢依草沒梅宛陵詩

迎詔書

憶瞻鑾仗省門前扇影鞭聲下九天寂莫嘉州
迎詔處忽聞鼓吹却悽然

秋夜遣懷

江雲傍簷山雨細羈客空堂臥荒翳心如秋燕
不安巢迹似春萍本無柢官身犇走何時定病
眼蒙籠惟欲閉壯遊不復記墜鞭夜語誰能懷
擁髻詩情已減但微吟酒戒漸堅纔小瘳從今

夏擬著幽禪半世佺佺真誤計

送客至江上

多事經旬不出城今朝送客此閑行郊原遠帶
新晴色人語中含樂歲聲天際歛雲山盡出江
流收漲水初平故園社友應惆悵五歲無端棄
耦耕

雨中至西林寺

曾中荆棘費鋤耘正藉幽尋暫解紛不盡長江

來画玉半空飛閣對凌雲昏昏橫靄憑軒見杳

杳疎鐘隔岸聞珍重山僧迎客意螭奩一縷起

微熏

小軒下臨羊江
發源自大渡河

休日登花將軍廟小樓

林間縹緲出層樓欄角蒼茫萬頃秋曾是胸中
著雲夢不妨此地少遲留

淡居

作吏難堪簿領迷淡居聊復學幽棲病來酒戶

何妨小老去詩名不厭低零落野雲寒傍水霏
微山雨晚成泥自憐甫里家風在荏小摘殘蔬遶
廢畦

秋夜獨醉戲題

弊袍羸馬遍天涯恰似伶優著處家社甕嫩醅
初泛蟻寒缸殘燼自成花幽窗照影烏巾折醉
手題詩淡墨斜莫恨久爲峨下客江湖歸去得
雄誇

感事

清班曾見六龍飛晚落天涯遠日畿邊月空悲
新雪鬢京塵猶染舊朝衣江山壯麗詩難敵風
物蕭條醉絕稀賴有東湖堪吏隱寄聲籬菊待
吾歸

醉鄉

醉鄉卜築亦佳哉但苦無情白髮催癡欲煎膠
黏日月狂思入海訪蓬萊辭巢歸燕先秋去泣

露幽花近社開莫惜傾家僕作樂古人白骨有
蒼苔

夜讀岑嘉州詩集

漢嘉山水邦岑公管所寓公詩信豪偉筆力追

李杜常想從軍時氣無玉關路

公詩多從戎西邊時所作至

今蠹簡傳多管橫槊賦零落財百篇崔嵬多傑
句工夫刮造化音節配韶護我後四百年清夢
奉巾屨晚途有可事隨牒得補處羣胡自魚肉

明王方北顧誦公天山篇流涕息一遇

次韻師伯渾見寄

眉山漢嘉東西州估船日日到津頭不得講書
一行字倚遍臨江百尺樓黃鐘大呂忽復見繡
段英瑤何足酬願約青神王夫子來醉萬景作

中秋

社前一夕未昏輒寢中夜乃得寐

祠事當行懼不任未昏強臥擁孤衾三更自笑

元無睡萬事從來忌有心簷角河傾秋耿耿床
頭蟲語夜情情若耶溪上蘋花老倦枕何人聽
越吟

晚雨

蕭瑟度橫塘霏微映繚牆壓低塵不動灑急土
生香聲入楸梧碎清分枕簟涼回頭忽陳迹簷
角挂斜陽

社口

百穀登場酒滿卮神林簫鼓晚清悲蟬依疎柳
長言處燕委空巢人去時幼學已忘那用忌鄉俗
小兒女社微聾自樂不須醫古謂社傷心故里
日忌習業酒治聾

夜雨感懷

老來每惜歲崢嶸幾爲巴歌判宿醒白帝草生
時入夢錦官花重夏關情簾疎夜雨侵燈暈枕
冷秋風透角聲定許何時理歸棹酒狂猶解賦

蕪城

八月二十二日嘉州大閱

陌上弓刀擁寓公水邊旌旆卷秋風書生又試

戎衣窄山郡新添画角雄

郡舊止角四枝近方增如式

早事

樞庭虛畫策晚遊幕府媿無功草間鼠輩何勞

磔要挽天河洗洛嵩

九月六夜夢中作笑詩覺而忘之明日戲

追補一首

吾家笑疾自士龍我才雖卑笑則同紛紛世事

何足計盡付撫掌掀髯中清樽可醉風月好虛

空萬象皆絕倒問君此笑是喜不道得老夫輸

一籌

重九會飲萬景樓

粲粲黃花手自持登高聊畲此佳時纖雲不作

看山崇斗酒聊寬去國思落日樓臺頻徙倚西

風鼓笛倍淒悲彭城戲馬平生意強為巴歌一

解頤是日作竹枝歌舞

久客書懷

行役飽看山沉綿剝得閑忘憂緣落魄耐老爲
癡頑射虎臨秦塞騎驢入蜀關芳洲蘭可佩幽
磴桂堪攀欵乃聲饒楚陬隅句帶蠻嘉州帶袁董諸蠻
悠然長自遣故里幾時還

初報嘉陽除官還東湖有期喜而有作

塞上經秋幾醉醒鞞愁減盡鬢邊青烽傳八詔

登樓看歌奏三巴忍淚聽好語忽聞還印綬歸

心先已繞林垞呼兒結束從今日鵲語燈花故

有靈累夕燈有花今早鵲聲遠舍皆紀實事

聞勾龍司戶會客山亭送酒殺及橄欖并

簡諸同僚

東山如高人吾輩豈易見君獨不出門終日與
相面陰晴煙雨月朝暮知幾變聞君交不瀆冠
佩未嘗燕地張要有時一笑山未譴高秋得佳

日折簡喚諸彥風流非俗飲歌舞參筆硯但恨
五日尹阻造三語掾余方臥疾清樽遣分似霜果亦
可薦爛醉君勿辭光景真掣電

九月十六日夜夢駐軍河外遣使招降諸
城覺而有作

殺氣昏昏橫塞上東竝黃河開玉帳晝飛羽檄
下列城夜脫貂裘撫降將將軍櫪上汗血馬猛
士腰間虎文張階前白刃明如霜門外長戟森
相向朔風卷地吹急雪轉盼玉花滾一丈誰言
鐵衣冷徹骨感義懷恩如挾纊腥臊窟穴一洗
空太行北嶽元無恙夏呼斗酒作長歌要遣天
山健兒唱

何元立示九日詩臥病累日乃能次韻

何郎戲寫菊花秋落筆縱橫豈易酬豪士乃能
爲老伴寓公那得稱遨頭早衰不耐危亭冷夜冷

憑涪翁亭欄

枏得疾數日獨臥空驚画角愁病起尙思尋宿

約一樽從子醉東樓

成都行

倚錦瑟擊玉壺吳中狂士遊成都
成都海棠十萬株繁華盛麗天下無
青絲金絡白雪駒日斜馳遣迎名姝
燕脂褪盡見玉膚綠髮半脫嬌不梳
吳綾僂面對客書斜行小草密復疎
墨君秀潤瘦不枯風枝雨葉筆筆殊
月浸羅襪清夜徂滿身花影醉索扶
東來此歡墮空虛坐悲新霜

點鬢鬚易求合浦千斛珠難覓錦江雙鯉魚

聞虜亂有感

前年從軍南山南夜出馳獵常半酣
玄熊蒼兕積如阜赤手曳虎毛
珍珍有時登高望鄠杜悲歌仰天淚
如雨頭顱自揣已可知一死猶思報
明主近聞索虜自相殘秋風撫劔淚
汎瀾雒陽八陵那忍說玉座塵昏
松柏寒儒冠忽忽垂五十急裝何由
穿袴褶羞爲老驥伏櫪悲寧作枯

魚過河泣

古樂府枯魚詩云枯魚過河泣何時復還入作書與魴鱖相教謹出入

醉歌

我飲江樓上闌干四面空手把白玉船身遊水
精宮方我吸酒時江山入胸中肺肝生崔嵬吐
出爲長虹欲吐輒復吞頗畏驚兒童乾坤大如
許無處著此翁何當呼青鸞更駕萬里風

初寒

江路常逢雨山城早得寒蘭凋初解佩菊老尚

加餐

嘉陽有崇蘭以八九月盛開

節物知何負情懷自鮮歡

浮生看已熟不必夢邯鄲

木山

枯楠千歲遭風雷披枝折幹吁可哀輪囷無用
天所赦秋水初落浮江來嵌空宛轉若耳鼻峭
瘦拔起何崔嵬珠宮具闕畱不得忽出洲渚知
誰推書窗正對雲洞啓鼓菊初傍幽篁栽是間
著汝頗宜稱摩挲朝暮真千回天公解事雨十

日洗盡泥滓滋莓苔一丘一壑吾所許不須更
慕明堂材

寒夜遣懷

臨觴本不飲憂多自成醉四方行萬里不見埋
憂地憶管入京都寶馬搖香鬃酣飲青樓夜歌
聲在半空去日不可挽華髮忽垂領娟娟峨眉
月相對作淒冷月落照空床不寐聽寒蟬早知
愛隨人何用去故鄉

嘉陽絕無木犀偶得一枝戲作

久客紅塵不自憐眼明初見廣寒仙只饒籬菊
同時出尚占江梅一著先重露溼香幽徑曉斜
陽烘蕤小窗妍何人更與蒸沉水金鴨華燈惱
醉眠

雨後登西樓獨酌

老覺人間無一欣強尋高處看歸雲天空列嶂
開圖画水落寒江學篆文四海道途行太半百

年光景近中分交遊賴有麴生在正向愁時能
策勲

喜晴

西風吹雨冷淒淒道上行人白晝迷聊抉重雲
取朝日未容嘉穀臥秋泥年豐郡府疎文檄蠻
遁邊亭息鼓聲寄語農家莫遊惰冬閑正要飽
鉏犁

曉出城東

渺渺長江下佔船亭亭孤塔隱蒼煙不堪異縣
蕭條地更遇初寒慘澹天巾褐已成歸有約簞
瓢未足去無緣包羞強索侏儒米豪舉何人記
少年

寶劍吟

幽人枕寶劍殷殷夜有聲人言劍化龍直恐興
風霆不然憤狂虜慨然息遐征取酒起酌劍至
寶當潛形豈無知君者時來自施行一匣有餘

地胡爲鳴不平

十月一日浮橋成以故事宴客凌雲

陰風吹雨白晝昏誰掃雲霧升朝暎三江水縮
獻洲渚九頂秀色欲塞門西山下竹十萬箇江
面便可馳車轅巷無居人亦何怪釋未來看空
山村竹枝宛轉秋猿苦桑落瀦灩春泉渾衆賓
共醉忘燭跋一徑却下緣雲根走沙人語若潮
卷爭橋炬火如星繁肩輿睡兀到東郭空有醉
墨畱衫痕十年萬事俱變滅點檢自覺惟身存
寒燈夜永照耿耿臥賦長句招羈魂

聞王嘉叟計報有作

嗚呼嘉叟今信死哭君寢門淚如水我初入都
不妄交傾倒如君數人耳籠燈蹋雪夜相過劇
論懸河駭隣里地爐燔栗美芻豢石鼎烹茶當
醪醴上書去國何勇決作詩送君猶壯偉十年
偶復過都門君方草制西垣裏鬢鬚班白面骨

生心頗疑君遽如此西來例不候達官每欲寄
 聲中輒止隻雞絮酒縱有時雙魚素書長已矣
 生前客履紛滿戶身後人情薄於紙懸知海內
 莆陽公謂陳丞相獨念遺孤為經紀

出城至呂公亭按視修堤

翠靄橫山澹日昇孤亭聊借曲欄憑霜威漸重
 江初縮農事方休役可與重阜護城高歷歷千
 夫在野築登登寓公僅踵前人迹伐石西山恨

未能

西州築堤織竹貯江石不三年輒壞意謂如吳中取大石楚成則可支久異日當有

辦此者

登樓

從來好境遍人間無奈勞生自欠閑江近時時
 吹白雨樓高面面看青山歌聲哀怨傳三峽行
 色淒涼帶百蠻嘉陽近諸蠻流落愛君心未已夢魂
 猶綴紫宸班

醉中作

晚途豪氣未低摧一飲猶能三百盃
爛爛日光方似電齟齬鼻息忍如雷

又

駕鶴孤飛萬里風偶然來憩大峨東
持盃露坐無人會要看青天入酒中

又

曾賜琳腴白玉京狂歌起舞蜀人驚
却騎黃鶴橫空去今夕垂虹醉月明

又

畫角三終夜未闌醉憑飛閣喜天寬
月明滿地江風急吹落幽人紫綺冠

觀大散關圖有感

上馬擊狂胡下馬草軍書二十抱此志
五十猶癯儒大散陳倉間山川鬱盤紆
勁氣鍾義士可與共壯圖坡陁咸陽城
奏漢之以都王氣浮夕靄宮室生春蕪
安得從王師汛掃迎皇輿黃河

與函谷四海通舟車士馬發燕趙布帛來青徐
先當營七廟次第畫九衢偏師縛可汗傾都觀
受俘上壽大安宮復如正觀初丈夫畢此願死
與螻螻殊志大浩無期醉膽空滿軀

嘉州守宅舊無後圃因農事之隙爲種花
築亭觀甫成而歸戲作長句

吾州山水西州冠正欠雄樓并傑觀奇峯秀嶺
待彈壓明月清風須判斷三峨舊不到郡齋創

爲詩人供几案煙雲舒卷水墨圖草木青紅錦
繡段一時冠蓋共登臨百年父老俱驚惋縈回
舞袖試弓彎宛轉歌聲學珠貫佳人蜂蝶爭遶
鬢上客龍蛇看揮翰寓公雖作一月畱梅發東
湖歸思亂兒戲聊成此段奇陳迹應畱後人歎
明朝艇子泝平菑却伴謫仙遊汗漫

連日扶病領客殆不能支枕上懷故山偶
成

已強迂疎假印章更扶衰病主盃觴功名已判
初心負豪俠都無故態狂靜覺此身猶外物嬾
思與世永相忘清泉白石生來事曲几明窗味
最長

余往與宇文叔介同客山南今年叔介客
死臨安十月十一日夜忽夢相從取架上
書共讀如平生讀未竟忽辭去畱之不可
曰欲歸按藥方旣覺泫然不能已因賦此

詩

羈魂顛顛遠相尋髭斷肩寒帶苦吟歸按藥方
緣底事知君死抱濟時心

金鎔刀行

黃金鎔刀白玉裝夜穿窗扉出光芒丈夫五十
功未立提刀獨立顧八荒京華結交盡奇士意
氣相期共生死千年史策恥無名一片丹心報
天子爾來從軍天漢濱南山曉雪玉嶙峋嗚呼

楚雖三戶能亡秦豈有堂堂中國空無人

言懷

蘭碎作香塵竹裂成直紋炎火熾崑岡美玉不
受焚孤生抱寸志流離敢忘君釀桂餐菊英潔
盃三沐熏孰云九關遠精意當徹聞捐軀誠有
地賈勇先三軍不然齋恨死猶冀揚清芬願乞
一棺地葬近要離墳

十月十九日與客飲忽記去年此時自錦

屏歸山南道中小獵今又將去此矣

去年縱獵韓壇側玉鞭自探南山雪今年痛飲
蜀江邊金盃却吸峨眉月竹枝歌舞新教成淒
怨傳得三巴聲城頭築觀出雲雨峨眉正與闌
干平酒酣詩就擲盃去醉蹋玻璃江上路懸知
幽磴斷橋邊已有梅花開半樹

冬日

短景忽忽過新寒疊疊來客遊聊戲耳世事亦

悠哉綠動連村麥香吹到處梅錦城花柳窟歸
去看春回

十月十四夜月終夜如晝

月從海東來徑尺鎔銀盤西行到峨眉玉宇萬
里寬幽人耿不寐弄影清夜闌五城十二樓縹
緲香霧間不知何仙人亭亭倚高寒欲語不得
往悵望冰雪顏叩頭儻見哀容我躡素鸞掬露
以爲漿屑玉以爲餐泠泠漱齒頰皓皓濯肺肝
逝將從君遊人間苦無歡

下元日五更詣天慶觀寶林寺

朝罷琳宮謁寶坊強扶衰疾具簪裳擁裘假寐
籃輿穩夾道吹煙棒炬香樓外曉星猶磊落山
頭初日已蒼涼鳴騶應有高人笑五斗驅君早
夜忙

梅花

老厭紛紛漸鮮歡愛花聊復客江干月中欲與

人爭瘦雪後偷憑笛訴寒野艇幽尋驚歲晚紗
巾亂插醉更闌尤憐心事淒涼甚結子青青亦
帶酸

又

月地雲階暗斷腸知心誰解賞孤芳相逢只怪
影亦好歸去始驚身染香渡口耐寒窺淨綠橋
邊凝怨立昏黃與卿俱是江南客剩欲尊前說
故鄉

又

玄冥行令肅冰霜牆角疎梅特地芳屑玉定煩
修月戶堆金難買破天荒了知一氣環無盡坐
笑千林凍欲僵力量世間誰得似挽回歲律放
春陽

又

折得名花伴此翁詩情恰在醉魂中高標不合
塵凡有尤物真窮造化功霧雨更知仙骨別鉛

丹那悟色塵空前身姑射疑君是問道端須順
下風

西園

半掩朱門蘚徑斜翠屏繡谷忽谿衍高高下下
天成景密密疎疎自在花江近夕陽迎宿鷺林
昏殘角促歸鴉吾舟已繫津南岸喚客猶能一
笑談

胡無人

鬚如蝟毛磔面如紫石稜丈夫出門無萬里風
雲之會立可禁追犇露宿青海月奪城夜蹋黃
河水鐵衣度磧雨颯颯戰鼓上隴雷憑憑三夏
窮虜送降欵天剛積甲如丘陵中華初識汗血
馬東夷再貢霜毛鷹羣陰伏太陽昇胡無人宋
中興丈夫報主有如此笑人白首蓬窗燈

公無渡河

聞雅安守溺死於嘉陵江代其家人作

大莫大於死生親莫親於骨肉河不可憑兮非

有難知言之不從兮繼以痛哭望雲九井兮白
浪嗟峨劓肝瀝血兮不從奈何秋風颯颯兮紙
錢投波從公於死兮下飽蛟鼉

長門怨

寒風號有聲寒日慘無暉空房不敢恨但懷歲
暮悲今年選後宮連娟千蛾眉早知獲譴速悔
不承恩遲聲當徹九天淚霍達九泉死猶復見
思生當長棄捐

長信宮詞

憶年十七兮初入未央獲寺步輦兮恭承寵光
地寒祚薄兮自貽不祥讒言察之兮晷釁日彰
既來嗟峨兮勢如壞牆當伏重誅兮鼎耳劔鋸
長信雖遠兮匪棄路旁歲給絮帛兮月賜稻粱
君舉玉食兮犀箸誰嘗君御朝衣兮誰進熏香
婕妤才人兮儼其分行千秋萬歲兮永奉君王
妾雖益衰兮尚供蠶桑願置繭館兮組織玄黃

欲訴不得兮仰呼蒼蒼佩服忠貞之死敢忘

銅雀妓

武王在時教歌舞那知淚灑西陵土君已去兮
妾獨生生何樂兮歿何苦亦知從死非君意偷
生自是慙天地長夜昏昏死實難孰知妾死心
所安

得韓无咎書寄使虜時宴東都驛中所作

小閨

大梁二月杏花開錦衣公子藥傳來桐陰滿第
歸不得金轡玲瓏上源驛上源驛中搥画鼓漢
使作客胡作主舞女不記宣和粧廬兒盡能女
真語書來寄我宴時詩歸鬢知添幾縷絲有志
未須深感概築城會據拂雲祠

唐中受降城
在拂雲祠

曉坐

低枕孤衾夜氣存披衣起坐默忘言
餅花力盡無風墮爐火灰沙到曉溫
空橐時時聞鼠齧小

窗一一送鴉翻悠然忽記幽居日下榻先開水際門

斷碑歎

與元姚節度園以折碑為石筍文猶可識蓋梁蕭懿墓碑簡文為太

子時撰書法

適美可愛

二蕭同起南蘭陵正如文叔與伯升至今人悲大蕭死齋恨不見梁家興崇崇之陵久為谷豈惟羣盜分珠玉斷碑槎牙棄道邊文字班班猶可讀剝剗苔蘚一悽然俯仰人間幾變遷世人

作碑君勿哂千載園林須石筍

夜行至平菴憩大悲院

憶昨遊天台夜投石橋宿水聲亂人語炬火散山谷穿林有驚鶻截道多犇鹿今夕復何夕此境忽在目蒼茫陂十里清淺溪數曲微霜結裘茸落葉拂帽屋下馬憩村寺頽然睡清熟覺來窗已白殘燈猶煜煜

迂益帥馬上作

馬上遙看江上山
白雲紅樹畫圖間
經年簿領無休日
却向忙中得少閑

蜀酒歌

漢州鵝黃鸞鳳雛
不鷲不搏德有餘
肩州玻瓈天馬駒
出門已無萬里塗
病夫少年夢清都會
賜虛皇碧琳腴
文德殿門晨奏書
歸局黃封羅百壺
十年流落狂不除
遍走人間尋酒壚
青絲玉瓶到處酤
鵝黃玻瓈一滴無
安得豪士致連車
倒瓶不用杯與盃
琵琶如雷聒坐隅
不愁渴死老相如

十一月八日夜燈下對梅花獨酌累日勞

甚頗自慰也

犇走人間無已時
夜窗喜對出塵姿
移燈看影憐渠瘦
掩戶畱香笑我癡
冷豔照杯欺麴蘖
孤標逼硯結冰澌
本來難入繁華社
莫向春風怨不知

醉後草書歌詩戲作

朱樓矯首隘八荒綠酒一舉累百觴洗我堆阜
崢嶸之胸次寫爲淋漓放縱之詞章墨翻初若
鬼神怒字瘦忽作蛟螭僵寶刀出匣揮雪刃大
舸破浪馳風檣紙窮擲筆霹靂響婦女驚走兒
童藏往時草檄喻西域颯颯聲動中書堂余嘗
草丞
相魯公以下與夏
國王書於政事堂一收朝跡忽十載西掠三巴
窮夜郎山川荒絕風俗異賴有酒美猶能狂醉

中自脫頭上幘綠髮未許侵微霜人生得喪良
細事孰謂老大多悲傷

古藤杖歌

我有古藤杖夭矯蛟龍形生於峭壁絕磴上乃
是會稽山陰之蘭亭歷吳入楚上巴峽北遊直
看秦山青夜飛或隨暴雨去旦歸常帶流繁腥
與子扶攜各老大勿復狡獪誇神靈悻悻從此
常倚壁聽我夜誦黃庭經

歲晚書懷

殘歲堂堂去新春鼎鼎來
夢移鄉國近酒挽壯
心回暝律初催柳晴光併上梅
東湖有歸日衰
抱得頻開

已遣人
逐新守

累日倦甚不能觴客睡起戲作

粉闥紅鸞罇俎薄不如止酒得安眠
無心已破
浮生夢有力聊輕造化權
脫髮滿梳真老矣
斷香縈几故條
晚知古佛中邊語正合蒙莊內

外篇

種花

西園作戲喚春回桃李陰陰三萬栽
不是無心
看開遍錦江煙柳待歸來

時將還
成都

雨中登樓望大像

去年寒雨中騎驢度劔閣今年當此時
臥聽邊城柝巍巍千尺像與我兩寂寞
交遊閱四海此老差可託但當頻自省
諸惡誓莫作時時一憑

高相望要不作桑間戒三宿堅坐豈渠樂却應
輸老夫新春買芒屨

迎赦呈王志夫李德孺師伯渾

平明置騎傳詔函帝意欲與東皇參青城回仗
國人喜金鷄啣赦天恩覃吾君愛民靡不到黃
紙字密如吳蠶紀元故事極用九聖政盡美方
登三赦書改嗟余久已去魏闕夢想豹尾猶毯
僊過郊一月方拜赦始知身落天西南歡呼已

怪衰病愈蹈舞更覺春風酣何當與子歸芙蓉

二月起柁江如藍

冬日

幸是元無了事癡偷閑聊復學兒嬉午窗弄筆
臨唐帖夜几研朱勘楚詞山暝已無梅可折江
清猶有蟹堪持舊交乖隔音塵斷安得歌呼共

一卮蜀中惟嘉州有蟹

雨中睡起

磔磔寒禽無定棲
纖纖小雨欲成泥
松鳴湯鼎茶初熟
雪積爐灰火漸低
一氣推移均野馬
百年蒙覆等醯鷄
青山黃葉蘭亭路
憶喚鄰翁共架犁

十二月初一日得梅一枝絕奇戲作長句
今年於是四賦此花矣

高標已壓萬花羣
尚恐嬌春習氣存
月兔擣霜供換骨
湘娥鼓瑟爲招魂
孤城小驛初飛雪
斷角殘鐘半掩門
盡意端相終有恨
夜寒敝玉倩誰溫

無題

畫閣無人晝漏稀
離悰病息兩依依
釵梁雙燕春先到
箏柱羈鴻暝不歸
迎得紫姑占近信
裁成白紵寄征衣
晚來更就隣姬問
夢到遼陽果是非

快晴

地闊天開斗柄回今朝紅日遍池臺新陽蘇醒
春前柳輕暖醫治雪後梅瓦屋螺青披霧出錦
江鴨綠抱山來衰翁也逐兒童喜旋撥文書近
酒盃

獨坐

巾帽欹傾短髮稀青燈照影夜相依窮邊草木
春遲到故國湖山夢自歸茶鼎松風吹謾謾香
奩雲縷散翻翻羸驂敢復和鑿鑿只願連山首

薊肥

十二月十一日視築隄

江水來自蠻夷中五月六月聲摩空巨魚穹龜
牙鬚雄欲取闔市爲龍宮橫隄百丈臥霽虹始
誰築此東平公今年樂哉適歲豐吏不相倚勇
赴功西山大竹織萬籠舩舸載石來亡窮橫陳
屹立相疊重置力尤在水廟東我登高原相其
衝一盾可受百箭攻蜿蜿其長高隆隆截如長

城限羗戎安得椽筆記始終插江石崖堅可礮

題龍鶴菜帖

東坡先生元祐中與其里人史彥明主簿書云新春龍鶴

菜羹有味舉箸想復見憶邪

先生直玉堂日羞太官傘如何夢故山曉枕春
蔬香春蔬尚云爾況我舊朋友萬里一紙書殷
勤問安否先生高世人獨恨不早歸坐令龍鶴
菜猶愧首陽薇

春愁曲

客話成都戲作

處義至今三十餘萬歲春愁歲歲常相似外大
羸海環九洲無有一洲無此愁我願無愁但歡
樂朱顏綠鬢常如昨金丹九轉徒可聞玉兔千
年空擣藥蜀姬雙鬟姪姹嬌醉看恐是海棠妖
世間無處無愁到底事難過萬里橋

荀秀才送蠟梅十枝奇甚爲賦此詩

與梅同譜又同時我爲評香似夏奇痛飲使判
千日醉清狂頓減十年衰色疑初割蜂脾蜜影

欲平欺鶴膝枝插向寶壺猶未稱合將金屋貯
幽姿

離嘉州宿平羌

初挈囊衣宿水村蕭然一掃舊巢痕本來信手
忘工拙却爲無心少怨恩自笑遠遊諳馬上已
營小築老雲根淡煙疎雨平羌路便恐從今入
夢魂

瑞草橋道中作

經年簿書無少暇款段今朝欣一跨瑞草橋邊
水亂流青衣渡口山如画老翁醉著看龍鍾小
婦出窺聞姪妣荒陂吹笛晚呼牛古路倚梯晨
采柘殘花零落不禁折香草丰茸如可藉郵亭
慈竹筍穿籬野店蒲萄枝上架功名垂世端有
數利欲昏心喜樂罅羈窮自笑豈人謀閒放每
欲從天借草根蟲語祇自悲風裏蓬征安稅駕
祖師補處浣花村會傍清江結茆舍

遊修覺寺

上盡蒼崖百級梯詩囊香椀手親攜山從飛鳥
行邊出天向平蕪盡處低花落忽驚春事晚樓
高刺覺客魂迷興闌掃榻禪房臥清夢還應到
剡溪

晚步湖上

雲薄漏春暉湖空弄夕霏沾泥花半落掠水燕
交飛小倦聊扶策新晴旋減衣幽尋殊未已画

角喚人歸

暮春

忙裏偷閑慰晚途春來日日在東湖凭欄投飯
看魚隊挾彈驚鴉護雀雛俗態似看花爛熳病
身能鬪竹清癯一樽是處成幽賞風月隨人不
用呼

池上醉歌

我欲築化入中天之臺下視四海皆飛埃又欲

造方士入海之舟破浪萬里求蓬萊取日挂向
扶桑枝畱春挽回北斗魁橫笛三尺作龍吟腰
鼓百面聲轉雷飲如長鯨海可竭玉山不倒高
崔嵬半酣脫幘髮尚綠壯心未肯成低摧我妓
今朝如花月古人白骨生蒼苔後當視今如視
古對酒懽醉何爲哉

四月五夜見螢

蜀州官居富水竹四月螢火遶梁飛流年迫人

不相貸客子倦遊何日歸

塞上曲

三尺鐵如意一枝玉馬鞭笑把出門去萬里行
無前當道何崔嵬云是玉門關方當置屯守征
人何時還馬色如雜花鎧光若流水肅肅不敢
譁遙望但塵起日落戍火青煙重塞垣紫回首
五湖秋西風開芙蓉

夜聞塙鈴及泉聲

山泉瀉幽竇
墦鈴搖天風
清音無時盡
靜夜尤
琤瓏嗟我走紅塵
市聲聒欲聾
多生耳根業
賴此一洗空
夢騎白鳳皇
佩玉朝珠宮
覺來撫枕
歎月滿草堂中

劔南詩彙卷第四

虞山毛晉宋本校刊
男屐再校
孫綏德又校

劔南詩彙目錄

卷第五

曉歎 苦筍 月下作首二 小宴 小閣

納涼 晨雨 湖上筍盛出戲作長句

雨後集湖上 過大蓬嶺度繩橋至杜秀

才山莊 宿杜氏晨起遇雨 翠圍院

野飯 化成院 慈雲院東閣小憩 遊

靈鷲寺堂中僧閻然獨作禮開山定心尊



者尊者唐人有問法者輒點芻示之時號

點點和尚 桃源 白增院 急雨 東

湖新竹 睡起試茶 五月五日蜀州放

解榜第一人楊鑑具慶下孤生愴然有感

病酒新愈獨臥蘋風閣戲書 神君歌

讀胡基仲舊詩有感 夏日湖上 對

酒歎 病後暑雨書懷 雨聲 同何元

立賞荷花追懷鏡湖舊遊 小樓 怡齋

龍湫歌 月夕 蒸暑患梁州述懷

湖上晚歸 秋聲 觀小孤山圖 飲酒

北窗梧葉坐間落四五有感 神山歌

久雨 古意 自唐安之成都 度祚

故袍 寓寶相有作 寓驛舍 題宇

文子友所藏薛公鶴 宴西樓 月中歸

驛舍 江濱池醉歸馬上作 離成都後

却寄公壽子友德稱 晨至湖上 池

上見魚躍有懷姑熟舊遊 六月二十五

日曉出郊 作雨不成終夜極涼時去立

秋五日也 池上晚雨 五十 記夢

凭欄 聽琴 秋思 醉書 楚氏莊龜

泉 書懷首二 秋思首三 東園晚步 秋

夜讀書戲作 太平花 日暮至湖上

秋興 秋色 秋聲 觀長安城圖 雨

中作 夜讀了翁遺文有感 雷 龍眠

畫馬 秋夜池上作 秋雨 臥病 夢

入禪林有老宿方陞座或云通悟禪師

蜀州大閱 放懷亭獨立有感 九月三

日同呂周輔教授遊大邑諸山 次韻周

輔道中首二 憩黃秀才書堂 夜宿鵲鳴

山 次韻周輔霧中作 山中得長句戲

呈周輔并簡朱縣丞 擣藥鳥 出山

平雲亭 高秋亭 九日小疾不出 九

日試霧中僧所贈茶 我有美酒歌 次

韻師伯渾見寄 自江源過雙流不宿徑

行之成都 過綠楊橋 五鼓自笮橋入

府 客多福院晨起 雨中出謁歸晝臥

長歌行 夜食炒栗有感 秋夜懷吳

中 遊三井觀 僊遊閣 寓居小菴纔

表丈戲作 送華師從劍州張祕書之招

劍南詩集目錄

終卷五

劍南詩集卷第五



曉歎

一鴉飛鳴窗已白推枕欲起先歎息翠華東巡
五十年赤縣神州滿戎狄主憂臣辱古所云世
間有粟吾得食少年論兵實狂妄諫官劾奏當
竄殛不爲孤囚死嶺海君恩如天豈終極容身
有祿愧滿顏滅賊無期淚橫臆米聞舍桃薦宗
廟至今銅駝沒荆棘幽拜從古多烈士悒悒可

令長失職王師入秦駐一月傳檄足定河南北
安得揚鞭出散關下令一變旌旗色

苦筍

藜藿盤中忽眼明駢頭脫襖白玉嬰極知取介
種性別苦節乃與生俱生我見魏徵殊媚嫵約
束兒童勿多取人才自古要養成放使干霄戰

風雨

月下作

池上迎微風柏間蹋涼月冷然醉夢醒一洗煩
惱熱嗟予世外人火食常嘔噎易求雲表露難
覓大古雪況欲試祕方瓊漿和玉屑俛首居俗
間愁若鷹在絀惟茲服月芒比歲稍得訣但令
天無雲豈復計園缺玉鈎定誰挂冰輪了無轍
詩成獨高詠靈府炯澄澈

又

畏暑不巾襪步月楷短筇瘦身髮鬅髻領影如

孤松徑幽螢闔開池漲魚噉喁飛泉穿北垣珠
玉相撞春東湖更奇絕百畝銀初鎔但能抱琴
往絕恨欠鶴從重露傾荷盤微風墮芙蓉歡言
美清夜縹渺吹疎鐘空中飛僊人粲然冰雪容
笑我老塵世不記瑤臺逢

小宴

洗君鸚鵡盃酌我蒲萄醅冒雨鷺不去過春花
續開英雄漫青史富貴亦黃埃今夕湖邊醉還

須秉燭回

小閣納涼

侵牀月白病全蘇掠面風清酒欲無渺渺塘陰
下鷗鷺蕭蕭秋意滿菰蒲縱輪煙渡橫孤艇也
勝京塵暗九衢莫遣良工更摹寫此詩端是臥
遊圖

晨雨

揮汗驅蚊廢夜眠清晨一雨便翛然涼生池閣

假翠蘿蒙負籠銀釵女鉏畚鶴髮翁何由有餘
俸小築此山中

宿杜氏晨起遇雨

怪藤十圍蔽白日老木千尺干青霄水泛憂灘
竹作舫陸行跨空繩繫橋陰陰古屋精靈語慘
慘江雲蛟鰐騎吾道非耶行至此諸公正散紫
宸朝

翠圍院

曉入翠圍寺擁門千萬峰山空鳥自命林茂鹿
相從嫋嫋風中笳昏昏雲外鐘將歸興未盡清
嘯倚長松

野飯

意實炊明珠苦筍饌白玉輪困斲區芋芳辛采
山藪山深少鹽酪淡薄至味足往往八十翁登
山逐犇鹿可憐城南社零落依澗曲面餘作詩
瘦趨拜尚不俗

杜氏自譜以爲子美下陝畱一
子守浣花舊業其後避成都亂

徙眉州大壩或徙大蓬云病夫益倦遊頗願老窮谷是家吾
所慕食菜如食肉時能喚隣里小甕酒新漉何
必懷故鄉下箸厭雁鶩

化成院

翠園至化成七里幾千盤肩輿掀淖歎息行
路難緣坡忽入谷蜿蜒蒼龍蟠孤墪插空起雙
柵當夏寒飛屐到上方漸覺所見寬前山橫一
几稻陂白漫漫肥僧大腰腹呀喘趨迎官走疾
不得語坐定汗未乾高人遺世事跣趺穴蒲團
作此望塵態豈如返巾冠日落聞鹿鳴感我平
生歡客遊殊未已芳歲行當闌

慈雲院東閣小憩

橫閣院東偏翛然拂榻眠香濃煙穗直茶嫩乳
花圓巖倚團團桂筒分細細泉憑誰爲題版牘
作小壺天

遊靈鷲寺堂中僧闐然獨作禮開山定心

尊者尊者唐人有問法者輒點芻示之時
號點點和尚

半世吳松理釣絲蜀山著腳豈前知雲堂已散
三三衆卯塢空尋點點師戴雪數峰臨峭絕浮
花一水舞淪漪寺西望雪山勞生未盡能重到
應掃流塵讀此詩

桃源

木缺橋橫一徑微斷煙殘霽晚霏霏十年勸客

明雙眼五月遊人換夾衣翠峽東成寒練靜蒼
崖濺落素鮫飛爾來自笑癡頑甚著處吟哦不
記歸

白塢院

時小雨
初霽

冷翠千竿玉浮嵐萬幅屏凭欄避微雨挈笠遇
歸僧殘日明樓角屯雲擁塢層溪山屬閑客隨
意倚枯藤

急雨

炎炎赤日當空燒簿書圍坐如居窰黑雲壓簷
忽岩崑急雨鼎來風駕潮彈壓旱氣蘇枯焦祝
融退聽不敢驕父老歌舞看稻苗殺雞買酒更
相邀我亦巾褐涼蕭蕭酒醒點滴聞梧蕉珍簟
不御扇罷搖安用萬里登凌歊

東湖新竹

插棘編籬謹護持養成寒碧映淪漪清風掠地
秋先到赤日行天午不知解籜時聞聲簌簌放
梢初見葉離離官閑我欲頻來此枕簟仍教到
處隨

睡起試茶

笛材細織含風漪蟬翼新裁雲碧帷端谿硯璞
斲作枕素屏畫出月墮空江時朱欄碧甃玉色
井自候銀餅試蒙頂門前剝啄不嫌渠但恨此
味無人領

五月五日蜀州放解榜第一人楊鑑具慶

下孤生愴然有感

甲午五月之庚寅淵魚躍起三江津震雷霆雨
夜達晨我知決定非凡鱗人生富貴不逮親萬
鍾五鼎空酸辛少年得祿羞常珍調節滋味躬
爨薪徹食奉盥授帨巾此樂豈復論賤貧嗟我
不孝負鬼神俯仰二紀悲如新仕宦空飽息與
嬪左右供養無復辰子行射策對楓宸綵衣楚
楚映華紳沂江亟歸娛老人切勿著意長安春

病酒新愈獨臥蘋風閣戲書

用酒驅愁如伐國敵雖摧破吾亦病狂呼起舞
先自困閉戶垂帷真廟勝今朝屏事臥湖邊不
但心空兼耳靜自燒沉水瀾紫筍聊遣森嚴配
堅正紫筍蒙頂之上者其味尤重追思昨日乃可笑倚醉題

神君歌謁英顯廟作

泰山可爲礪東海可揚塵惟有壯士志死生要

一伸我夢神君自天下威儀奕奕難具陳飛龍
駕車不用馬訶前殿後皆鬼神奇形詭狀密如
魚鱗觶觶齧爭扶車輪黑燻白旄其來無垠
黃霧紫氛合散輪困考錄魑魅號呼吟呻約束
蛟螭夭矯服馴後車百兩載美人巾襍鮮麗工
笑顰金尊翠杓溢芳醇琵琶篴篥怪珍世間
局促常悲辛神君歡樂千萬春嗚呼生不封侯
死廟食丈夫豈得抱志長默默

讀胡基仲舊詩有感

少日飛騰翰墨場暮年相見尚昂藏沈沙舟畔
千帆過剪翮籠邊百鳥翔訪古每息春竝轡說
詩仍記夜連牀凶凶去日多於髮不獨悲君亦
自傷

夏日湖上

烏帽筇枝散客愁不妨胥史雜沙鷗迎風枕簟
平欺暑近水簾櫳探俗秋茶竈遠從林下見釣

筒常向月中收江湖四十餘年夢豈信人間有
蜀州

對酒歎

鏡雖明不能使醜者妍酒雖美不能使悲者樂
男子之生桑弧蓬矢射四方古人所懷何磊落
我欲北臨黃河觀禹功犬羊腥羶塵漠漠又欲
南適蒼梧弔虞舜九疑難尋眇聯絡惟有一片
心可受生死託千金輕擲重意氣百舍孤征赴
然諾或攜短劍隱紅塵亦入名山燒大藥兒女
何足顧歲月不貸人黑貂十年弊白髮一朝新
半酣耿耿不自得清嘯長歌裂金石曲終四座
慘悲風人人掩淚無人色

病後暑雨書懷

髮毛蕭颯疾初平雲物輪囷氣未清
水漲小亭無路到雨多幽草上牆生
窗昏頓減讐書課屋老時聞墮瓦聲
止酒亡聊還自笑少年豪飲似

長鯨

雨聲

暑氣滿天地薄暮加煩促清風吹急雨集我北
窗竹竹聲蕭蕭固自奇況得雨聲相發揮令人
忽憶雲門寺半夜長松墮雪時

同何元立賞荷花追懷鏡湖舊遊

少狂欺酒氣吐虹一笑未了千觴空涼堂下簾
人似玉月色泠泠透湘竹三更畫船穿藕花花
爲四壁船爲家不須更踏花底藕但嗅花香已
無酒花深不見畫船行天風空吹白紵聲雙槳
歸來弄湖水往往湖邊人已起卽今憔悴不堪
論賴有何郎共此尊紅綠疎疎君勿歎漢嘉去
歲無荷看

小樓

吾州近在西山麓雪山萬仞臨冰谷小樓森森
閣三伏清簟疎簾對碁局肌膚凜凜起芒粟肝

金剛詩集 卷之二
肺崢嶸瓊玉香泉向夕初罷浴桐竹生風吹
細穀九衢憧憧車擊轂黃塵赤日汗可掬還家
欲休客陸續俗與此詩令一讀

怡齋

東湖仲夏草樹荒屋古無人亭午涼萱房微呀
不見日筍籜自解時吹香野藤蟠屈入窗罅溼
菌扶疎生屋梁跨溝數椽最幽翳漲水及檻雨
敗牆靜涵青蘋舞藻荇閑立白鷺浮鴛鴦芙蓉
雖瘦亦瀰漫照眼翠蓋遮紅粧水紋珍簟欲卷
却團團素扇嬾復將天風忽送塙鈴語喚覺清
夢遊瀟湘

龍湫歌

環湫巨木老不花齋淪千尺龍所家瓜痕入木
欲數寸觀者心掉不敢譁去年大旱綿千里禾
不立苗麥垂死林神社鬼無奈何老龍欠伸徐
一起隆隆之雷浩浩風倒卷江水傾虛空鱗開

出火作飛電金蛇夜掣層雲中
明朝父老來賽雨大巫吹簫小巫舞
祠門人散月娟娟龍歸抱珠湫底眠

月夕

我簪隱天台夜半遊句曲弄月過垂虹
萬頃一片玉煙艇起菱唱水風吹釣絲更欲小徙倚恐失初平期今年遊青城三十六峰巒白雲反在
下使我毛骨寒天如玻璃鍾倒覆溼銀海素壁行其間草木盡光彩姮娥顧我笑手撫玉兔兒
莫怪世人生白髮秋風桂老欲無枝

蒸暑患梁州述懷

宣和之末予始生遭亂不及遊司并從軍梁州亦少慰土脉深厚泉流清季秋嶺谷浩積雪二月草木初抽萌夏中高涼最可喜不省舉手驅
蟲蟲藏水一出賣滿市玉璞堆積寒崢嶸柳陰夜臥千駟馬沙上露宿連營兵胡笳吹墮漾水

月烽燧傳到山南城最思出甲戌秦隴戈戟徹
夜相摩聲兩年劔南走塵土肺熱煩促無時平
荒池昏夜蛙閣閣食案白日蠅營營何時王師
自天下雷雨瀕洞收攬搶老生衰病畏暑溼思
卜鄠杜開柴荆

湖上晚歸

地僻多幽事官閑慰古心晚花藏密葉新筍脯
疎林碩果畦丁獻芳醪稚子斟碧雲遮日盡歸

路更蕭森

秋聲

入言悲秋難爲情我喜枕上聞秋聲快鷹下鞞
爪觜健壯士撫劔精神生我亦奮迅起衰病唾
手便有擒胡興弦開雁落詩亦成筆力未饒弓
力勁五原草枯苜蓿空青海蕭蕭風卷蓬草罷
捷書重上馬却從鑾駕下遼東

觀小孤山圖

江平風不生鏡面渺千里軻我萬斛舟遠望一點耳大孤江中央四面峭插水小孤特奇麗丹翠凌雲起重樓邃殿神之家帳中美人粲如花遊人徙倚欄干處俊鶻橫江東北去

飲酒

陸生學道欠力量胷次未能和盎盎百年自笑足悲歡萬事聊須付酣暢有時堆阜起崢嶸大呼索酒澆使平世間豈無道師與禪老不如閉門參麴生朋舊年來散如水惟有錨杓同生死一日不見令人愁晝夜其處終無尤世言有毒在麴蘖腐脇穿腸凝血脉人生適意卽爲之醉死愁生君自擇

北窗梧葉坐間落四五有感

高梧一葉脫便覺秋不遠晨起髮滿梳吾衰孰云晚古來追電足歷塊或小踈金鼓噪陳間此任豈驚蹇女子則多怨丈夫當自反默觀憂患

機推見生死本山林嫌獨往臺省亦衮衮會稽
歸去來臯橋住差穩

神山歌

吾聞海中五神山其根戴以十五鼇一朝六鼇
被釣去岱輿負嶠沉洪濤尚餘三山巋然在當
時不沒爭秋毫如何蓬萊又已淺忽見平地生
藜蒿伏羲迨今幾萬歲世事如火煎油膏娶妻
不敢待翁命治水無暇憐兒號避讒犇楚僅得
免歷聘返魯終不遭老聃關尹亦又死人實危
脆無堅牢有口惟可飲醇醪有手惟可持霜螯
勿令他人復笑汝後有萬世來滔滔

久雨

昏昏風雨暗東湖恰似梅黃四月初高樹送聲
驚客枕小池分溜入清渠飛蛟屏迹知何在團
扇生塵已暗疎須信西遊有奇事今年三伏夜
觀書

古意

繼足飼飢鷹鷹飽意未平伏櫪豈不安老驥終
悲鳴士生固欲達又懼徒富貴素願有未伸五
鼎淡無味茅屋秋雨漏稻陂春水深長歌傾濁
酒舉世不知心

自唐安之成都

出門猶苦雨度塹喜新晴日正車無影風高蓋
有聲疎疎稚苗立鬱鬱晚桑生宿醉行猶倦無

人爲解醒

度笮

江原縣

翩翩翻翻笮受風行人疾走緣虛空回觀目眩
浪花上小跌身裏蛟涎中汗沾兩握色如菜數
築此險私自怪九折元非叱馭行千金空犯垂
堂戒此身老大足悲傷歲歲天涯憶故鄉安得
畫船明月夜滿川歌吹入盤闔

盤闔姑蘇
二門名

故袍

青衫猶是國工裁
破篋塵侵手自開
莫笑渾如霜葉闍
兩朝曾見聖君來

寓寶相有作

掃地鏡面清燒香雲氣潤
道人敬愛客危坐日
不瞬童子髡兩髦
經禪亦精進我來願同龕
歡喜無少吝臨堂坐
夜分佛燈看墮燼
清晨爽如秋攝衣相問訊
道在氛埃表此語其殆信
永愧小阮高超然棄鬚鬢從子綽棄其婦爲僧廬山

寓驛舍

予三至成都皆館于是

閑坊古驛掩朱扉
又憩空堂綻客衣
九萬里中鯤自化
一千年外鶴仍歸
遶庭數竹饒新筍
解帶量松長舊圍
惟有壁間詩句在
暗塵殘墨兩依依

題宇文子友所藏薛公鶴

仙人騏驎絕世稀
卵生凡禽似而非
宮保妙筆窮化機
縞衣玄裳真令威
千年華表聊一歸
回

首幸脫萊軒譏喙吞不恨菰米微從吾曹遊安
得肥

宴西樓

西樓遺跡尚豪雄錦繡笙簫在半空萬里因循
成久客一年容易又秋風燭光低映珠幃麗酒
暈徐添玉頰紅歸路迎涼更堪愛摩訶池上月
方中

月中歸驛舍

六月十四日

歲歲常爲錦水行驛前雙堠慣逢迎草深閑院
蟲相語人靜空廊月自明病起酒徒嘲小戶才
衰詩律媿長城何時却泛耶溪路臥聽菱歌四
面聲

江濱池醉歸馬上作

久住西州似宿緣笙歌叢裏著華顛每嗟相見
多生客却憶初來尙少年迎馬綠楊爭拂帽滿
街丹荔不論錢浮生何處非羈旅休問東吳萬

金剛詩集
二十
里船

離成都後却寄公壽子友德稱

蕭條常閉爵羅門
點檢朋儕幾箇存
吾道將爲天下裂
此心難與俗人言
逢時尚可還三代
掩卷何由作九原
寄語龜城舊交道
新涼殊憶共清尊

晨至湖上

劔南無劇暑
長夏更宜人
啼鳥常終日
幽花不減春
荷香浮綠酒
藤露落烏巾
莫作天涯想
翛然夢裏身

又

園古逢秋好
身閑與嬾宜
空堂賞疎豁
重閣望參差
竹粉有新意
松風含古姿
低回慙祿米
官事少於詩

池上見魚躍有懷姑熟舊遊

雨過回塘漲碧漪
幽人閑照角巾欹
銀刀忽裂

圓波出宛似姑溪晚泊時

六月二十五日曉出郊

劔南作客歲再淹正如病翼遭糲黏短衣射虎
性所樂不耐齷齪垂車檐今晨偶出得一快欣
然意若脫楚鉗曉星已疎更磊磊殘月欲盡猶
纖纖雞鳴已與夜漏斷鴉起似逐朝陽暹揚鞭
走馬忘老憊自笑狂疾何由砭

作雨不成終夜極涼時去立秋五日也

雲映星芒澹風闌雨腳回體輕知病去氣爽喜
秋來疎放拋烏恰歌呼覆綠盃東歸定何日灑
灑欲崔嵬

池上晚雨

烏紗白葛一枝筇罨畫池邊遡晚風雲葉初生
高樹外雨聲已到亂荷中憑闌頓覺氛埃遠回
首方知暑毒空閱世萬端惟小忍何人更事似
衰翁

五十

五十未名老無如衰疾何肺肝空激烈顏鬢已
蹉跎夜宴看長劔秋風舞短蓑此身如砥柱猶
足閱頽波

記夢

夢泛扁舟禹廟前中流拂面風泠然樓臺縹渺
知幾疊雲物點綴多餘妍蓮房芡背采無主漁
歌菱唱聲滿川夢中了了知是夢却恐燕語來

驚眠弄撓顧謂芙蓉載客乖離不記經幾年卽今
相逢兩幻質轉盼變滅如飛煙斯言未竟客大
笑人生寓世豈獨堅元章嘉叟君所見一別丹
旆俱翩翩君知夢覺本無異勿爲畫麤流饒涎
我慙俛首夢亦斷尙覺細浪鳴船舷

凭欄

蟬嘒晚尤壯鴉栖久未安不成浮舴艋故作凭
闌干露重傾荷蓋風尖蹙芡盤新秋動歸思更

覺五湖寬

聽琴

疎簾曲檻蘋風涼細腰美人藕絲裳綠藤水文
穿矮牀玉指纖纖彈履霜高林鷺轉日正長幽
澗泉鳴夜未央哀思不怨和而莊有齊淑女禮
自防世人但惑青樓倡琵琶箜篌雜胡羌試聽
一曲醒汝狂文姬指法傳中郎

秋思

烈日炎天欲不禁喜逢秋色到園林雲陰映日
初蕭瑟露氣侵簾已峭深衰髮凋零隨槁葉苦
吟淒斷雜疎碁鴈來不得中原信撫劔何人識
壯心

醉書

似閑有俸錢似仕無簿書似長免事任似屬非
走趨病能加餐飯老與酒不疎婆娑東湖上幽
曠足自娛時時喚客醉小閣臨紅蕖釣魚斫銀